



歷代名賢列女氏姓譜卷之百二十三

湘鄉

蕭智漢雲澤氏纂輯

男秉信明甫氏校

去聲

十七

卞氏

魯邑今兗州泗水有卞城姓纂云曹叔振鐸之後有支庶食采于卞因以氏焉然卞非曹邑之地

歷代名賢

賈

卞隨夏時人成湯將伐桀因卞隨而謀隨曰非吾事也湯曰孰可曰不知也湯遂與伊尹伐桀克之以讓卞隨隨辭曰伐桀也謀乎我必以我為賊也勝桀而讓我也必以我為貪也吾生乎亂世而無道之人再來讓我以為辱行吾不忍數聞也乃自投桐水而死

氏姓譜

卷百三

十七

卞氏

卞莊子魯大夫名緄性好勇善事母母無恙時三戰三北及母卒魯伐齊莊子赴敵三獲甲首而獻又嘗刺猛虎孔聖亦以勇稱之

卞和楚人得璞玉于楚山之中獻之武王武王使玉人相之曰石也王以和為謾已刖其左足及文王即位和又奉其璞玉人又曰石也又刖其右足文王薨成王即位和乃抱其璞而哭于楚山之下三日三夜泣盡而繼以血王知之使人往謂之曰天下剛者多矣子獨泣之悲何也和曰非泣足也寶貝而題曰石貞士而名曰詐是以泣也王使玉人雕琢之果得美玉焉世傳曰和氏璧琴操曰荆王封和為陵陽侯和辭不就而去乃作怨歌曰進寶得刑足離

分兮去封立信守休芸兮斷者不續豈不冤兮

卞崇婁縣人桓帝時太守薛固爲法吏所枉下廷尉崇與烏程錢讓詣闕稱寃廷尉囚崇等以兵圍守苦毒持之崇讓恬然自若杜聲彌厲天子聞而奇之乃赦固罪

**晉**

卞壺字望之濟陰宛句人也祖統琅邪內史父粹以清辯鑒察稱兄弟六人並登宰府世稱卞氏六龍元仁無雙元仁粹字也弟哀嘗忤其郡將郡將怒訐其門內之私粹遂以不訓見譏議陵遲積年惠帝初爲尙書郎楊駿執政人多附會而粹正直不阿及駿誅超拜右丞封成陽子稍遷至右軍將軍張華之誅粹以華壻免官齊王冏輔政進爵爲公及長沙王又專權粹立朝正色又忌而害之初粹如

氏姓譜

卷三

十七霞

卞氏

二

廁見物若兩眼俄而難作壺弱冠有名譽司充二州齊王冏辟皆不就遇家禍還鄉里永嘉中除著作郎襲父爵征東將軍周馥請爲從事中郎不就遭本州傾覆東依妻兄徐州刺史裴盾盾以壺行廣陵相元帝鎮建鄴名爲從事中郎委以選舉甚見親仗出爲明帝東中郎長史遭繼母憂旣葬起復舊職累辭不就元帝遣中使敦逼壺踐自陳帝以其辭苦不奪其志服闋爲世子師壺前後居師佐之任盡匡輔之節一府貴而憚焉中興建補太子中庶子轉散騎常侍侍講東宮遷太子詹事以公事免尋復職轉御史中丞忠于事上權貴屏跡遷吏部尙書王含之難加中軍將軍含滅以功封建興縣公尋遷領軍將軍明帝不豫領尙書令與王導等俱受顧命輔幼主復拜右將軍加給事中尙書令帝崩成帝卽位羣臣進璽司徒王導以疾不

至壺正色于朝曰王公豈社稷之臣邪大行在殯嗣皇未立寧是人臣辭疾之時導聞之乃輿疾而至皇太后臨朝壺與庾亮對直省中共參機要時名南陽樂謨爲郡中正穎川庾怡爲廷尉評謨怡各稱父命不就壺以爲不得因私廢公絕其表疏以爲永制朝議以爲然謨怡不得已各居所職是時王導稱疾不朝而私送車騎將軍鄒鑒壺奏以導虧法從私無大臣之節御史中丞鍾雅阿撓王典不加準繩並請免官雖事寢不行舉朝震肅壺斷裁切直不畏強禦皆此類也壺幹實當官以褒貶爲已任勤于吏事欲軌正督世不肯苟同時好明帝深器之于諸大臣而最任職阮孚每謂之曰卿恒無閑泰常如含瓦石不亦勞乎壺曰諸君以道德恢宏風流相尙執鄙吝者非壺而誰時貴游子弟多慕王澄謝鯤爲達壺厲色于朝曰悖禮傷教

氏姓譜

卷三

十七

卞氏

三

罪莫斯甚中朝傾覆實由于此欲奏推之王導庾亮不從乃止然而聞者莫不折節時王導以勲德輔政成帝每幸其宅嘗拜導婦曹氏侍中孔恒密表不宜拜導聞之曰王茂宏驚癲耳若卞望之之巖巖刁元亮之察察戴若思之峰峯當敢爾邪壺廉絮儉素居甚貧約息當婚詔特賜錢五十萬固辭不受後患面劄累乞解職拜光祿大夫加散騎常侍時庾亮將徵蘇峻言于朝曰峻狼子野心終必爲亂今日徵之縱不順命爲禍猶淺若復經年爲惡滋蔓不可復制此是鬼錯勸漢景帝早削七國事也當時議者無以易之壺固爭謂亮曰峻擁強兵多藏無賴且逼近京邑路不終朝一旦有變易爲蹉跌宜深思遠慮恐未可倉卒亮不納壺知其必敗壺司馬任台勸壺宜畜良馬以備不虞壺笑曰以順逆論之理無不濟若萬一不然豈須馬哉

峻果稱兵壺復爲尙書令右將軍領右衛將軍餘官如故  
峻至東陵口詔以壺都督大桁東諸軍事假節復加領軍  
將軍給事中壺率郭然趙胤等與峻大戰于陵西爲峻所  
破壺與鍾雅皆退還死傷者以千數壺雅並還節詣闕謝  
罪峻進攻清溪壺與諸軍距擊不能禁賊放火烧宮寺六  
軍敗績壺時發背創猶未台力疾而戰率厲散衆及左右  
更數百人攻賊麾下苦戰遂死之時年四十八二子珍盱  
見父沒相隨赴賊同時見害峻平朝議贈壺左光祿大夫  
加散騎常侍尙書郎諡曰忠貞

**北**

卞彬字士蔚濟陰宛句人也祖嗣之中領軍父延之有剛  
氣爲上虞令彬才操不羣文多指刺州辟西曹主簿奉朝  
請員外郎宋元徽末四貴輔政彬謂太祖曰外間有童謠

氏姓譜

卷百三

十七

卞氏

四

云可憐可念尸著服孝子不在日代哭列管斃鳴死滅族  
尸著服褚字邊衣也孝除子以日代者謂褚淵也列管蕭  
也彬退太祖笑曰彬自作此齊臺初建彬又曰誰謂宋遠  
跋予望之太祖聞之不加罪也除右軍參軍家貧出爲南  
康郡丞彬頗飲酒擯棄形骸作蚤虱賦序曰余居貧布衣  
十年不制一袍之縕有生所托資其寒暑無與易之爲人  
多病起居甚疎紫寢敗絮不能自釋兼攝性懈惰嬾事皮  
膚燥刷不謹澣沐失時四體旣乾加以臭穢故葦席蓬纒  
之間蚤虱猥流淫癢涓瀆無時恕肉探揣摸撮日不替手  
虱有諺言朝生暮孫若吾之虱者無湯沐之慮絕相弔之  
憂宴聚乎久襟爛布之裳服無改換搔鬻不能加脫略緩  
嬾復不慙于捕討孫孫息息三十五歲焉其畧言皆實錄  
也除南海玉國郎中令尙書比部郎安吉令車騎記室彬

性飲酒以瓠壺瓢勺梳皮爲肴著帛冠十二年不改易以  
大瓠爲火籠什物多諸詭異自稱卞田居婦爲傅蠶室或  
諫曰卿都不持操名器何由得升彬曰擲五木子十擲輒  
鞭豈復是擲子之拙吾好擲政極此耳永元中爲平越長  
史綏建太守卒官彬又目禽獸云羊性淫而狼猪性卑而  
青拖紫名爲蛤魚世謂比令僕也又云蠲斗唯唯浮羣闇  
水維朝繼夕事役如鬼比令史諮事也文章傳于閭巷云  
卞華字昭邱濟陰宛句人也晉驃騎將軍忠貞公壺六世  
孫父倫之給事中華幼孤貧好學年十四名補國子生通  
周易旣長徧治五經與平原明山賓會稽賀瑒同業友善  
起家齊豫章王國侍郎累遷奉朝請征西行參軍天監初  
選臨川王參軍事兼國子助教轉安成王功曹參軍兼五

氏姓譜

卷三

十七

卞氏

五

經博士聚徒教授華博涉有機辯說經析理爲當時之冠  
江左以來鍾律絕學至華乃通焉遷尚書儀曹郎出爲吳  
令卒

五代

卞震成都人蜀舉進士爲渝州判官蜀平仍舊職會賊杜  
承褒圍城震躬率士卒且戰且拒與刺史陳文襲夾攻之  
賊遂平任終號州錄事參軍子充舉宋進士

宋

卞大亨字嘉甫先泰州人初由鄉舉入太學升舍有聲靖  
康中攜二子走行在丞相范宗行以遺逸薦後特恩調懷  
寧簿未幾隱居象山手植萬松于徑行吟其間自號松隱  
居士好讀左氏傳及遷固諸史爲詩歌擬杜少陵素習養  
生精醫卜之書著松隱集二十卷尚書類數二十卷改註

杜詩三十卷傳信方一百卷子園

卞園字子東性穎異于書無所不讀入太學蜚騰英譽人號卞夫子登紹興三十年進士第授揚州倅著論語大意二十卷行于世

卞琛大名人家世力農早游學京師補園子生既而丁母憂仍服農于家至正中鄰郡盜起剽掠至其境琛與從子小十府史李仲亨等協謀統丁壯數百人出擊民兵無弓矢直以鉤鉏白梃當賊賊矢雨集琛眾潰散被禽小十仲亨皆死賊素知琛名謂曰從我解汝縛不從殺汝琛唾曰我國子生也視汝輩真狗彘耳寧義死不從逆生遂見殺

卞禮洪武中定興知縣爲政公平撫民有方凡解舍壇塲

氏姓譜

卷三

七

卞氏

六

學校皆所建置

卞榮字華伯江陰人正統乙丑進士歷官戶部郎中能爲歌古詩即舍卷冊填委公退泚筆一刻輒數十篇文章汪洋亭蓄隱然名動吳越間榮性曠達逍遙徜徉殆三十年以老疾卒

卞同漢陰人景泰中知東安縣介不阿蒞事勤敏學宮舊在城外士稱不利同主議力徙之任勞不懈自茲交教聿興厥功甚鉅立碑記績至今不泯

卞謙字信卿嘉善人正德進士授廣信府推官爲人機警決獄精當雖老吏不逮嘗經鉛山嶺道有臥屍忽夜夢一人謂儻者爲主所殺密訪其人得之遂服辜府稱神明

歷代列女

卞氏婦姓張安吉人卞文銘妻也夫早卒父母憫其年少

子幼諷嫁氏入閨良久而出則髮皆翦矣正統間旌其門

練氏

出姓苑今建安多此姓嘉祐登科記有練定

歷代名賢

練何河內人本東姓貞觀中爲總管府錄事參軍從李勣伐高麗獻火攻策焚南蘇羅城遂破之以精練軍戎之故賜姓練封岐山侯

練亨甫字葆光句容人始生之夕其父夢游大澤得圓石上有字云一七聰二七悟聲名滿天下覺而驚異既生父甚奇之五歲侍伯父出游精舍亨甫以手搔頭伯父戲之曰猴悲摸捺頭亨甫應聲曰虎怒縱橫步七歲屬文十四

氏姓譜

卷三

十七

練氏

七

步入京師以所業就正王安石奇之呼爲小衣引爲白衣檢討繼薦上殿稱旨熙寧六年決取進士科調泗州推官遷太學正官除崇文殿校書嘗從高遵裕西征途中題詩因謫郴州監稅未幾召爲史館編修

練彬延平人爲旌德令政務簡易興學獎士邑人汪澥呂鏗皆其造就彬雅有清操人見酒清者皆曰此練長官酒也其見稱評如此

練定字公權嘉祐八年擢進士第初調和州烏江尉再除福州司理時呂惠卿居喪溫陵聞定名還朝薦之爲流內銓主簿以外艱歸紹聖初惠卿知大名奏掌機宜文字召封論事以尊主強國爲先不合時宰意通判信州久之召爲將作監丞除湖南轉運判官崇寧間提點本路刑獄核廣南路諸子不欲其踰嶺表勸以丐祠定正色曰臣事君



猶子事父父名無宿諾君命召不俟駕詎可擇地爲去就哉卽日就道官至朝請大夫有青邱集二十卷行于世

練繪字質夫浦城人少同楊時游程頤之門甚器之登大觀三年進士浮沅州縣不以軒冕爲榮而以名教爲樂官至奉議郎

練幹譽字克家爲考城令時督辦軍賦甚急幹譽堅以民力匱竭爲請中官或以私囑者卒寘于法初與王徽善及當國未嘗一造其門遂奉祠子棗通直郎以廉稱

練來字彥本建安人幹譽子累試禮部不利閉門著書有大易發微二禮釋疑采野遺民集

練山甫字補之浦城人年十五能挽強弓補國子生後補武學因論弓箭法忤神宗罷歸有旨還本舍後于徐衡榜登第調涇源路總管司教閱官以功累官武德大夫

氏姓譜

卷三

十七 練氏

八

練逢字彥默登進士第授撫州司戶任劍浦令再調本州軍事推官用薦改秩卒楊時銘其墓云孝尊于親學傳于人政得于民吁嗟乎君未聞而終于幕賓百世而下有煥斯文

明

練子寧名安以字行新淦人父伯尙工詩洪武初官起居注以直言謫外任終鎮安通判子寧英邁不羣十八年以貢士廷試對策力言天之生材有限陛下忍以區區小故縱無窮之誅何以爲治太祖善其意擢一甲第二授翰林修撰丁母艱力行古禮服闋復官歷遷工部侍郎建文初與方孝孺並見信用改吏部左侍郎以賢否進退爲已任多所建白未幾拜御史大夫燕師起李景隆北征屢敗召還子寧從朝中執數其罪請誅之不聽憤激叩首大呼曰

壞陛下事者此賊也臣備員執法不能爲朝廷除賣國奸  
死有餘罪卽陛下赦景隆必無赦臣因大哭求死帝爲罷  
朝宗人府經歷宋徵御史葉希賢皆抗疏言景隆失律喪  
師懷二心宜誅並不納燕師旣渡淮靖江府長史蕭用道  
衡府紀善周是修上書論大計指斥用事者書下廷臣議  
用事者盛氣以詭二人子寧曰國事至此尙不能容言者  
邪詭者愧而止燕王卽位縛子寧至語不遜磔死族其家  
姻戚俱戍邊子寧從子大亨官嘉定知縣聞變同妻沈劉  
家河死里人徐子權以進士爲刑部主事聞子寧死慟哭  
賦詩自經子寧善文章孝孺稱其多學而文宏治中王佐  
刻其遺文曰金川玉屑集提學副使李夢陽立金川書院  
祀子寧名其堂曰浩然

練綱字從道長洲人祖則成洪武時御史綱舉鄉試入國  
氏姓譜

卷五

十七歲 練氏

九

子監歷事都察院卿王監國上中興八策也先將入犯復  
言和議不可就南遷不可從有持此議者宜立誅安危所  
倚惟于謙石亨當主中軍而分遣大臣守九門擇親王忠  
孝者聞者令同守臣勤王檄陝西守將調番兵入衛帝悉  
從之綱有才辨急功名都御史陳鑑尙書俞士悅皆綱同  
里念綱數陳時政有聲且畏其口遂薦之授御史景泰改  
元上時政五事巡視兩淮鹽政駙馬都尉趙輝侵利劾奏  
之三年冬偕同官應詔陳八事竝允行亡何復偕同官上  
言吏部推選不公任情高下請置尙書何文淵右侍郎項  
文曜于理尙書王直左侍郎俞山素行本端爲文曜等所  
罔均宜按問帝雖不罪終以綱等爲直明年命出贊延緩  
軍務自陳名輕責重乞授僉都御史帝曰遷官可自求邪  
遂寢其命初京師戒嚴募四方民壯分營訓練歲久多逃

或起操不如期廷議編之尺籍綱等言名募之初激以忠義許事定罷遣今展轉輪操已孤所望况其逃亡實迫寒餒豈可遽著軍籍邊方多故倘更名募誰復應之詔卽除前令五年巡按福建與按察使楊珏互許俱下吏謫珏黃州知府練綱邠州判官久之卒

練國事字君豫永城人萬歷四十四年進士授浦縣知縣調山陽天啟二年徵授御史廣寧失守國事請薊州宣府大同及山東山西河南撫臣各練兵萬以壯山海聲援又請捕誅殺大同妖人又疏論魏忠賢使羣閹辱尚書鍾羽正索冬衣傷國體國事在諫垣匡救多給事中趙興邦忠賢私人也以國事爲趙南星黨劾之削籍崇正元年復官擢太僕少卿進右僉都御史巡撫陝西關中頻歲飢盜賊蜂起四年正月神一元陷保安國事遣賀虎臣援延安而

氏姓譜

卷三

十七

練氏

十

身率副將張全昌連破點燈子于中部郃陽韓城又破別部于宜君雒川降其魁李應鰲諸將張全昌趙大允王承恩社文煥賀虎臣等分勦賊澄城宜川耀州白水郃陽斬首千九百有奇總督楊鶴旣受羣賊降已復相繼叛田近菴李老柴陷中部國事偕承恩攻圍五月克之而所部亦頻失事楊鶴被徵國事亦戴罪自贖五年紅軍友李都司等將犯平涼國事自涇起固原檄大帥楊嘉謨殺賊塘馬斷其偵探賊乃走慶陽西壕嘉謨曹文詒邀擊大敗之自三月至五月大小數十戰賊迄破滅國事免戴罪當是時關中五鎮大帥曹文詒楊嘉謨王承恩楊麟賀虎臣各督邊軍協討總督洪承疇尤善調度賊魁多殲餘盡走山西關中稍靖六年冬賊旣從澠池渡入盧氏明年賊遂由河南湖廣入漢南總督陳奇瑜檄國事駐商州協勦商南盧

氏賊漢南賊遂由寧羌至兩當掠鳳縣出棧道陷寶雞關中賊復熾旣而奇瑜受賊降檄諸軍勿擊賊出險遂大掠鳳翔及麟游寶雞扶風汧陽乾州涇陽醴泉奇瑜委罪國事以自解國事上言雪之疏入事已不可爲遂逮下獄九年正月遣戍廣西久之叙前功赦還復冠帶福王時名爲戶部左侍郎尋改兵部十二月加尙書仍涖侍郎事明年二月致仕未幾卒

練億字伯尙元未領鄉薦隱居不仕以文章氣節重于時洪武間名爲起居注以直言忤旨謫廣德州同知後遷臨江鎮安二府通判以疾卒

歷代列女

練氏浦城人章太傅仔鈞妻生而肉髮深沉端毅不苟言笑仔鈞以西北面行軍招討使辟于朝付步騎五千人屯

氏姓譜

卷三

十七

練氏

十一

西巖山時江西兵假道山下遣王建封求應于建安期以七日後至欲治以軍法夫人請曰常委以腹心今當宥之不可夫人密令逃去且給以資建封遂仕南唐南唐將伐建安命屠其城建封使軍吏訪夫人處遂解甲徒步拜夫人曰親戚內外乞錄示姓名當保全之夫人曰城中居民不翅萬家妾不先死而貪內外親屬之生可乎願司徒全大義無以老妾爲念建封感其言止戮首亂者數十人全城之功郡人德之仔鈞十三子其八子皆練氏所生後子孫貴顯殆百餘人

戰氏

後漢初戰兢爲諫議大夫五代有戰貽慶登進士第

歷代名賢

明

戰正字德義高密人父思没于大寧正親抵大寧取父骨  
至則遍訪弗獲仰天號泣忽一老人備告正求之果得遂  
破中指出血滲骨乃收以歸後中鄉舉未仕而卒姪翔亦  
以孝聞

戰翔字騰霄初爲邑庠生父復敬卒勦廬墓三年舉鄉薦  
母李氏亦卒廬墓如初後仕訓導教人以孝友忠義爲本  
上疏論杜宦官之禍上納之及罷官歸教授生徒八百人  
竊氏音戀漢有緜秘爲南郡太守

院氏風俗通漢有右北平太守賤瓊又有賤虞曲阜人

見姓苑宋院亨謙古田人元祐間知德化縣院勤福寧  
人建寧令明院賓字君聘山西振武衛人宏治進士歷  
官參議

氏姓譜

卷百三

十七

戰氏至 士

彥氏

見姓苑宋彥茗淳熙登科彥端鄱陽人紹興進士彥必  
先以宣教郎知宜州彥九淵潮州刺史

線氏見姓苑

歷代名賢

元

線榮字子華大德間爲縣尹時永安寺僧構豪勢壓鄉民  
榮在任纖毫無預每挫辱之一日江浙省平章也速答兒  
因獵至其寺僧諂之遂使辱榮榮抗辭以對容氣儼如左  
右皆懾由是名重于時稱其剛介有古風焉

明

線雍日照人洪武中分水縣知縣

線補充山東人嘉靖中陝西甘肅副總兵

汴氏見姓苑宋汴熹明州同知

弁氏明弁志中長寧人嘉靖元年監利縣訓導

辨氏漢辨武淮南名士唐辨機婺人尚高陽公主

視氏見姓苑

歷代名賢

元

倪彌堅德安應城人元兵徇濮上招致而比因家真定著  
儒籍以教授為業已而被薦授真定教授循循為教始終  
不倦至元初置國子監各拜國子司業律身嚴而有法屢  
以陽城忠孝之說訓迪諸生由是化服者眾歲餘以疾辭  
歸彌堅學問淳正文章質實為人清苦嚴重士論推服

釗氏

明釗國賢閩中人萬歷間撫州照磨釗佩雲南人萬歷

氏姓譜 卷百三

十七靈

汴氏至 三

間貴陽縣丞

膳氏掌膳羞之官子孫氏焉

見氏

變氏

薦氏

稽氏

扇氏

羨氏

選氏

殿氏

壽氏

鄒氏

眷氏以上俱見姓苑又茂眷代北復姓又壹斗眷代北

三字姓

蔣氏音辨見直音

去聲

十八嘯

廖氏

亦作颯並力救切今呼為料風俗通古有廖叔安左傳  
作颯蓋其後也漢有廖覬為鉅鹿太守今衡山南劍多  
廖氏或言周文王子伯廖之後

歷代名賢

廖扶字文起汝南平輿人也習韓詩歐陽尚書教授常數百人父爲北地太守永初中坐羌盜在下獄死扶感父以法喪身憚爲吏及終服而歎曰老子有言名與身孰親吾豈爲名乎遂絕志世外專精經典尤明天文讖緯鳳角推步之術州郡公府辟名皆不應就問災異亦無所對扶逆知歲荒乃聚穀數千斛悉周給宗族姻親又歛葬遭疫死亡不能自收者常居先人家側未曾入城市太守謁煥先爲諸生從扶學後臨郡未到先遣吏修門人之禮又欲擢扶子弟固不肯當時人因號爲北郭先生年八十終于家

三子孟舉偉舉竝知名

廖立字公淵武陵臨沅人先主領荊州牧辟爲從事年未

氏姓譜

卷三

十八

廖氏

古

三十擢爲長沙太守先主入蜀諸葛亮鎮荆土孫權遣使通好于亮因問士人皆誰相經緯者亮答曰龐統廖立楚之良才當贊興世業者也建安二十年權遣呂蒙奄襲南三郡立脫身走自歸先主先主素識待之不深責也以爲巴郡太守二十四年先主爲漢中王徵立爲侍中後主襲位徙長水校尉立本意自謂才名宜爲諸葛亮之貳而更游散在李嚴等下常懷怏怏後丞相掾李邵蔣琬至立計曰軍當遠出卿諸人好諱其事昔先主不取漢中走與吳人爭南三郡卒以三郡與吳人徒勞役吏士無益而還旣亡漢中使夏侯淵張郃深入于巴幾喪一州後至漢中使關侯身死無子遺上庸覆敗徒失一方是羽怙恃勇名作軍無法直以意突耳故前後數喪師衆也如向朗文恭凡俗之人耳恭作治中無綱紀朗昔奉馬良兄弟謂爲聖人

今作長史素能合道中郎郭愼長從人者耳不足與經大事而作侍中今弱世也欲任此三人爲不然也王連流俗苟作掎克使百姓疲弊以致今日卽琬具白其言于諸葛亮亮表立曰長水校尉廖立坐自貴大臧否郡士公言國家不任賢達而任俗吏又言萬人率者皆小子也誹謗先帝疵毀衆臣人有言國家兵衆簡練部伍分明者立舉頭視屋憤咤作色曰何足言凡如是者不可勝數羊之亂羣猶能爲害况立託在大位中人以下識真僞邪于是廢立爲民徙汝山郡立躬率妻子耕殖自守聞諸葛亮卒垂泣歎曰吾終爲左袵矣後監軍姜維率偏軍經汝山往詣立稱立意氣不衰言論自若立遂終于徙所妻子還蜀

廖化字元儉本名淳襄陽人也爲前將軍關羽主簿羽敗屬吳思歸先主乃詐死時人謂爲信然因攜持老母晝夜

氏姓譜

卷三

十六 廖氏

五

西行會先主東征遇于秭歸先主大悅以化爲宜都太守先主薨爲丞相參軍後爲督廣武稍遷至右車騎將軍假節領并州刺史封中鄉侯以果烈稱官位與張翼齊而在宗預之右咸熙元年春化預俱內徙洛陽道病卒

晉

廖崇字實卿將樂人直質不洩交隱于緩城縣銀蓋山讀書終歲不出王羲之聞其賢遣价徵之固辭不起

南

宋

廖冲字清虛桂陽人博學能文辭于經史無所不通飭身修行鄉閭稱之以儒術知名仕梁爲主簿西曹祭酒時武帝好儒學招徠天下名士冲與焉嘗命賦詩稱上意嘉賞之湘東王之就國也聞冲有詞藻請以爲王國常侍上許之王爲人性猜忍冲私謂所親曰根本撥矣天下必不能



久治吾當去遂掛冠歸結廬靜福山居焉

廩于側哀慟不已有青蛇白獸之異咸通中縣令朱郃以聞詔加旌表

廩師郴州人唐懿宗召入道術有驗後乞歸山韓愈爲文送之云郴之爲州當清淑之氣意必有魁奇者生其間廩師氣專而容寂多藝而善游豈吾所謂魁奇者

廩匡圖字贊禹長沙人文學博瞻爲時所稱時馬希範襲爵楚王好學善詩賦匡圖與徐仲雅李宏皋等俱辟幕下奏天策府學士以文藻知名有廩氏家集一卷

廩偃長沙人父光圖馬氏十八學士之首馬希萼之廢也

氏姓譜

卷三

十八廩 廩氏

六

偃與彭師高據衡山奉之請命南唐南唐以爲道州刺史死于王逵之難

廩凝字熙績仕南唐宰都昌縣以廉自守秩滿題詩修江寺云五斗徒勞更折腰三年兩鬢爲民焦今朝解印吟歸去還挈來時舊酒瓢

廩澄順昌人少負忠義梁開平進士後仕南唐累官大理評事宋曹彬下江南人勸之降澄曰君臣之義不可廢也矢死不顧城陷從容引決死之

廩容字元素與任鵠凌蟾爲詩社卜南嶽爲隱所湘守陽徽之嘗訪之左司諫張觀過衡贈詩有到頭終爲蒼生起休戀畊桑楚水濱之句容終不仕

廩居素將樂人仕南唐以剛直見忌驟諫後主不聽服朝

衣冠立死井中大書于篋曰吾不忍見國破主辱耳

宋

廖剛字用中順昌人少從陳瓘楊時學登崇寧進士自漳州司錄除國子學錄擢監察御史蔡京當國奏論無所避以親老補外出知興化軍欽宗卽位爲右正言父憂除工部員外郎以母疾辭還父子居家俱有信義紹興初盜起官吏悉逃順昌民倚剛爲命諭從盜者使反業旣而他盜復入使者檄剛撫定剛遣長子暹往諭賊亦散去除本路提點刑獄尋召爲吏部員外郎勸上稽舊制選精銳爲親兵又勸經營建康親擁六師爲固守計以杜金人窺伺之意遷起居舍人權吏部侍郎兼侍講除給事中母憂服闋復拜給事中上屯田三說封還章傑知婺州章僅提舉江東茶鹽詔書並與祠二人皆惇後也歷戶刑二部補外除徽猷閣直學士知漳州日食應詔上言上讀之聳然卽召

氏姓譜

卷三

十八

廖氏

七

至闕拜御史中丞剛知無不言糾劾先顧大體不肯捃摭細故首奏經費不充盜賊不息事功未立命令未孚姦邪未去兵驕官冗數事又言朔望率羣臣遙拜淵聖于禮爲過惟當益求治理克蓋前愆歲時移于內庭行家入禮足矣上從之論奏殿前司強刺民爲兵及大將恃功希恩驕橫廢法又乞起舊相有德望者處以近藩秦檜聞之怒曰是欲真我何地改工部尙書鄭億年附檜和議嘗欲以百口保敵無他及金人背約剛面折之億年去代者王次翁與何鑄劾剛薦劉昉陳淵相爲朋比以徽猷閣直學士提舉明道宮致仕卒子四人遲過遂還仕皆秉麾節邦人號爲萬石廖氏

廖德明字子晦南劍人少得楊時書讀之大悟旣長受業朱熹登乾道進士教授潯州爲學者講明聖賢心學之要

手植三柏于學博士敬愛之如甘棠擢知莆田罪民奉淫祠沉其像于江會有顯者欲取邑地廣居德明持不可守慙服居官有聲諸司交薦遷廣東提點刑獄彈劾不避權要歲當薦士朝貴多以書託德明不啟封有鄉人爲主簿聞其能薦之會行縣簿感知已置酒延之悉假富民觴豆甚盛德明疑以爲貪追還薦章其公嚴類此盜陷桂陽迫韶州民大懼德明遣將馳擊親持小麾督戰大敗之乃分戍守遠斥埃明審賞罰宣布威信韶晏然如平時徙知廣州立師悟堂刻朱熹家禮及程氏諸書公餘延僚屬諸生親爲講說遠近化之遷吏部左選郎官語人仕學之要言已自始仕至爲郡惟用三代直道而行一句而已旣乃奉祠卒有槎溪集行于世

氏姓譜

卷五

十八廬

廖氏

六

技諸家學年三十游杭疏丁大全誤國狀大全怒中以法醜漢陽軍抵漢江濱遇蜀道士杜可大授以邵堯夫先天學其書自王豫天悅死葬玉枕中吳曦叛盜發其冢得書其算由聲音起應准神鑿穎利凡指畫未到能以已意逆悟學旣成去隱宣歙間復之杭書市大衍數夜沽酒痛飲醉輒大呼天非宋天地非宋地奈何奈何復賦詩見意都人士聞之指以爲怪嘗居層樓聞空中戎馬百萬作哭泣聲無何宋事日非沿江州郡望風奔潰復大慟曰殺氣又入閩廣中吾不知死所矣遂遁去其言無一不驗年五十二病死後以其學傳進士彭復復授鄱陽傅立立授德興齊琦所著有元元集歷髓星野指南象喻統會聲譜畫前妙用數十萬言

廖執象順昌人七歲能詩甫冠入京師赴省試太宗覽其

文而喜之以疾卒朝野甚惜之初陳搏見之謂曰子謫仙人也第不能久留塵世耳有文集十卷

廖正古字明遠將樂人登治平二年進士初知西安縣有惠政屢言青苗不便忤于當道遂乞致仕歸日與故舊嘯傲山水箏瓢屢空宴如也有歸田錄

廖子益字獻卿元豐三年以尚書屯田郎中知袁州時太平日久慮民狃于安樂乃卽黃圃創巡檢司養兵以防盜賊仍奏置四縣巡檢一員

廖君玉字國華荊州人元祐中以朝請卽知英州素好學建書堂于桂山名曰紫桂堂偃仰其間時作吟咏而政事未嘗廢也

廖衡順昌人性警敏絕人六歲能屬文縣尉催租見之負抱至衙命吟雨中山茶詩有淚多陳后愁離殿浴出楊妃

困荷蘭之句大奇之名聞于郡禮遣至試以詩迎題立就句尤婉麗年十三中鄉舉後歷轉運判官

廖顒字季功連州人父爲徐州教授歷循潯新三州守俱有政聲顒聰慧博學九歲能屬文登紹興五年進士第歷戶錄縣令改秩授封州教官時父新州秩滿辭歸顒迎養之及父卒歸葬哀咷感動行路世稱其孝服闋知化州乾道八年陞提舉廣南東路茶鹽事淳熙三年改廣南西路提點刑獄事而卒

廖邦傑字懷英順昌人淳祐間知建寧縣修學官增學廩關貢士庄建惠寧倉翔仁壽廬歲飢疫治藥餌糜粥以濟民全活甚衆咸淳間以帥參攝軍事嘗修圖經政績亦多

廖瑀字伯禹雩都人年十五通五經鄉人稱廖五經建炎中以茂異薦不第精堪輿之術得金精山善地自稱金精

氏姓譜

卷五

十八 廖氏

九

廖天覺字仲先順昌人紹興進士知餘姚縣屬行方田法天覺簡其事用民甚便之時楊時在會稽每稱曰仲先古君子以朝請大夫致仕

廖遂明清湘人尚氣節能文章尤長于樂府陳了齋隴南遷過全日州郡待之甚峻遂明獨于逆旅中相問勞如故舊了齋北歸龍圖學士折彥質亦貶嶺南道遇之間南中相識以遂明薦彥質因邂逅與語甚悅欲與之俱遂明慨然從之一日渡海風濤大作遂明持劍厲聲曰有宋忠臣在風濤遂息後彥質還遂明死彥質作詩弔之官其二子

**元**

廖人俊寧都人七歲時父死亂兵母亦被擄去獨與祖母居處既長誓求父骨得于叢冢間又聞母在滄州往尋之

氏姓譜

卷五

十八

廖氏

三

至則母已死欲負骨歸異父弟不肯刻遺像還與父合葬

**明**

廖永安字彥敬巢人德慶侯永忠兄也太祖初起永安兄弟偕俞通海等以舟師自巢湖來歸太祖親往收其軍遂以舟師攻元中丞蠻子海牙于馬場河元人駕樓船不利進退而永安輩操舟若飛再戰再破元兵始定渡江策項之發江口永安舉帆請所向命直指牛渚西北風方驟頃刻達岸太祖急揮甲士鼓勇以登采石鎮兵皆潰遂乘勝取太平授管軍總管以舟師破海牙水柵禽陳兆先入集慶擢建康翼統軍元帥以舟師從取鎮江克常州擢同僉江南行樞密院事又以舟師同常遇春自銅陵趣池州合攻破其北門執徐壽輝守將遂克池州偕俞通海拔江陰之石牌戍降張士誠守將欒瑞擢同知樞密院事又以舟

師破士誠兵于常熟之福山港再破之通州之狼山獲其戰艦以歸遂從徐達復宜興乘勝深入太湖遇吳將呂珍與戰後軍不繼舟膠淺被執永安長水戰所至輒有功士誠愛其才勇欲降之不可爲所囚太祖壯永安不屈遙授行省平章政事封楚國公永安被囚凡八年竟死于吳吳平喪還太祖迎祭于郊

廖永忠楚國公永安弟也從永安迎太祖于巢湖年最少太祖曰汝亦欲富貴乎永忠曰獲事明主掃除寇亂垂名竹帛是所願耳太祖嘉焉副永安將水軍渡江拔采石太平禽陳瑄先破蠻子海牙及陳兆先定集慶克鎮江常州池州討江陰海寇皆有功永安陷于吳以永忠襲兄職爲樞密僉院總其軍攻趙普勝柵江營復池州陳友諒犯龍江大呼突陣諸軍從其後大敗之從伐友諒至安慶破其

氏姓譜

卷三

十八嘯 廖氏

三

水寨遂克安慶從攻江州州城臨江守備甚固永忠度城高下造橋于船尾名曰天橋以船乘風倒行橋傳于城遂克之進中書省右丞從下南昌援安豐戰鄱陽湖決圍殊死戰敵將張定邊直犯太祖舟常遇春射走之永忠乘飛舸追且射定邊被百餘矢漢卒多死傷明日復與俞通海等以七舟載葦荻乘風縱火焚敵樓船數百又以六舟深入搏戰復旋繞而出敵驚爲神又邀擊之涇江口友諒死從征陳理分兵柵四門于江中連舟爲長寨絕其出入理降還京太祖以漆牌書功趨羣將智邁雄師八字賜之縣于門已從徐達取淮東張士誠遣舟師破海安太祖令永忠還兵水寨禦之達遂克淮東諸郡從伐士誠取德清進克平江拜中書平章政事尋克征南副將軍帥舟師自海道會湯和討降方國珍進克福州洪武元年兼同知詹事

院事畧定閩中諸郡至延平破執陳友定尋拜征南將軍以朱亮祖爲副由海道取廣東永忠先發書諭元左丞何真曉譬利害真卽奉表請降至東莞真帥官屬出迎至廣州降盧左丞禽海寇卻宗愚數其殘暴斬之廣人大悅馳諭九真日南朱厓儋耳三十餘城皆納印請吏進取廣西至梧州降元達魯花赤拜住潯柳諸路皆下遣亮祖會楊璟收未下州郡永忠引兵克南寧降象州兩廣悉平永忠善撫綏民懷其惠爲之立祠明年九月還京師帝命太子師百官迎勞于龍江入見仍命太子送還第復出撫定泉漳三年從大將軍徐達北征克察罕腦兒還封德慶侯食祿一千五百石予世券明年以征西副將軍從湯和帥舟師伐蜀和駐大溪口永忠先發及舊夔府破守將鄒興等兵進至瞿塘關山峻水急蜀人設鐵鎖橋橫據關口舟不

氏姓譜

卷五

十八

嘯 廖氏

三

得進永忠密遣數百人持糗糧水筒舁小舟踰山渡關出其上流蜀山多草木令將士皆衣青蓑衣魚貫走崖石間度已至帥精銳出墨葉渡夜五鼓分兩軍攻其水陸寨水軍皆以鐵裹船頭置火器而前黎明蜀人始覺盡銳來拒永忠已破其六寨會將士舁舟出江者一時並發上下夾攻大破之鄒興死遂焚三橋斷橫江鐵索禽同僉蔣達等八十餘人飛天張鐵頭張等皆遁去遂入夔府明日和始至乃與和分道進期會于重慶永忠帥舟師直搗重慶次銅鑼峽蜀主明昇請降永忠以和未至辭俟和至乃受降承制撫慰下令禁侵掠卒取民七茹立斬之慰安戴壽向大亨等家令其子弟持書往成都招諭壽等已爲傳友德所敗及得書遂降蜀地悉平帝製平蜀文旌其功有傳一廖二之語褒賚甚厚明年北征至和林六年督舟師出海

捕倭尋還京初韓林兒在除州太祖遣永忠迎歸應天聖  
瓜步覆其舟死帝以咎永忠及大封功臣諭諸將曰永忠  
戰鄱陽時忘軀拒敵可謂奇男子然使所善儒生窺朕意  
徼封爵故止封侯而不公及楊憲爲相永忠與相比憲誅  
永忠以功大得免八年三月坐僭用龍鳳諸不法事賜死  
年五十三子權十三年嗣侯

廖昇襄陽人不知其所以進學行最知名與方孝孺王紳  
相友善洪武末由左府斷事擢太常少卿建文初修太祖  
實錄董倫王景爲總裁官昇與高遜志爲副總裁官李貫  
王紳胡子昭楊士奇羅敏程本立爲纂修官皆一時選燕  
師渡江朝廷遣使請割地不許昇聞而慟哭與家人訣自  
縊死殉難諸臣昇死最先

廖進字安止吉水人宣德五年進士八年改庶吉士與知

氏姓譜 卷五十一 十八嘯 廖氏 三

縣孔友諒等七人歷事六科英宗初授刑科給事中正統  
二年御史元亮請如詔書蠲邊軍侵役糧餉不允按察使  
冀鑑亦請如詔書宥盜犯之未獲者法司亦寢不行莊以  
詔書當信上章爭之五年詔京官出修荒政兼徵民逋莊  
慮使者督趣困民請寬災傷州縣俟秋成從之振荒陝西  
全活甚衆還奏寬卹九事多議行楊士奇家人犯法偕同  
官論列或曰獨不爲楊公地乎曰正所以爲楊公也十一  
年遷南京大理少卿踰二年奸人陳珪者與所親賈福爭  
龔指揮職南京刑部侍郎齊韶納珪賄欲奪福官與之爲  
莊所駁韶捶福至死被逮珪亦誣莊俱徵下詔獄會韶他  
罪並發棄市莊乃得釋上疏不報明年莊以母喪赴京關  
給勘合詣東角門朝見帝憶莊前疏命廷杖八十謫定羌  
驛丞天順初名還時母喪未終復遭父喪特予祭葬命



復仍官南京天順五年就擢禮部右侍郎改刑部成化初  
召爲刑部左侍郎逾年卒贈尚書諡恭敏莊性剛喜面折  
人過而實坦懷無芥蒂不屑細謹好存謝賓客爲歡狎既  
官法司或勸稍屏謝往來遠嫌疑莊笑曰昔人有言臣門  
如市臣心如水吾無媿吾心而已卒之日無以爲歎衆哀  
錢助其喪

廖欽爲河內丞以廉能稱居八年調吳江後坐事謫戍久  
之以老病放歸道河內河內民競持羊酒爲壽且遺之纒  
須臾衰數百匹欽固辭不得一夕遁去

廖謹字慎初以字行南海人恬靜力學淹貫經史寡交游  
以澹交名其齋以明經薦授通山縣學教諭教人以執禮  
爲先解縉出爲交趾參議與謹遇與之上下議論不能有  
加也

氏姓譜

卷五

十八

廖氏

三

廖均卿江西人精地理術成祖擇壽陵久不得吉壤永樂  
七年禮部尙書以均卿至昌平縣偏闕諸山得縣東黃土  
山最吉成祖卽日臨視定議封爲天壽山授均卿官

廖瑠龍門人從幼嗜學行誼爲鄉民敬服善事父母逮父  
母沒每遇生晨忌日及朔望清齋三晝夜點水不入口以  
不忘鞠育年五十卒

廖漢字天章蒲圻人性剛毅獨行不回宏治中進士授戶  
部主事陳情便養改南京孤介有聲正德初起復值逆瑾  
柄國上疏抗論時政不報再疏自陳歸結茅五洪山潛修  
以居

廖希顏字叔愚茶陵人嘉靖壬辰進士知高安縣事少年  
發科精練老吏然清廉公謹時督率諸生講肄憤學基侵  
缺與教諭王道協謀復舊址創尊經閣啟聖祠敬一亭

明坊踰月成功而民不擾擢工部主事累陞提學副使按察使

廖秉綬廣昌人性友愛五世同堂婦入門無敢言分異者衣製無專有隨長短服之羅一峯倫高其誼迺造其廬言于有司旌其門曰雍睦復爲文以揚之

廖蘭字惟馨安鄉人成化甲午舉人授四川巴縣令馭下甚嚴剖訟明決民畏威懷德士大夫作琴堂十詠美之祀名宦

廖九成字念瀧全川人幼讀書有夙慧早孤輟業年二十六詣母舅蔣官署舅識其材命就學不數月文思日進遣歸應試遂補弟子員屢試高等庭訓嚴肅生子三長必名領天啟辛酉鄉薦歷仕永州郡丞崇正十四年以子必名貴贈奉政大夫

氏姓譜

卷五

十八

廖氏

五

廖舒藍山人慷慨好義歲大歉出粟賑濟全活甚衆邑人貧無以葬者給棺殮之以子經貴封徵仕郎二孫皆及第廖標字君如岑溪人崇正壬午舉于鄉有孝行居夏三年不茹葷酒邑苦兵荒飢欲死標力請于官作粥以賑得活者甚衆時鬻北遭兵被難者無所歸標爲備雨笠給以米送之歸里岑故僻壤憐邑紳士避兵者輒徙食其家後爲士弁宋國相所害邑人並惜之請祀鄉賢

廖天明號東溪上坊人形之孫幼慧能文年十四赴童子試援筆立綴千言學使李夢陽奇之隸博士籍嘉靖壬辰成進士授行人奉命冊封楚藩餽以金不受擢刑部給事中以言事謫外尋除吏部考功司員外郎出爲邵武府知府遷貴州兵備副使撫輯苗威惠並著需次嘗遷以疾乞歸卒

廖時雨黔陽城坊人十歲能文登漢武乙丑科進士授沿山縣令簡默敦篤心志淡然居官一載辭歸益以道德自重遠近從學者甚眾著有綠野幽情集行世

廖希元藍山人正德進士由祁門令改宜黃以好生爲心下車卽開死囚失入之罪朔望詣學與諸生切劘邑有虎密禱于城隍卽日遁去

廖簡字行儉崇仁人性端重嚴謹景泰鄉舉初授金華教授改廣東增城以師道自任爲人恬退不事表暴羅一峯稱其身不擇衣居不擇地仕不擇官所爲詩文根據義理自號介庵有介庵文集

廖輕崇仁人宏治舉人知保昌抑豪強表貞節政聲籍籍南海霍韜起爲吏部侍郎所至長吏晚迎輕獨長揖不拜韜益重之未幾南海令缺太宰汪鑑以巨邑難其人韜曰

氏姓譜

卷三

十八

廖氏

六

無踰廖輕者遂遷知南海時邑中多顯者卿相侍從間里相望輕不少徇人多其介謂不負所舉云

歷代列女

廖氏臨江軍貢士歐陽希文妻也宋紹興初盜起希文與妻共挾其母走山中爲賊所追廖以身蔽姑使希文負之逃賊執廖氏廖正色叱之賊揮刃斷其耳與臂廖猶謂曰爾輩叛逆我卽死爾輩亦不從屠戮語絕而仆鄉人義而葬之號廖節婦墓

廖氏漢陽人年十三嫁鄭必真越三年而必真卒姑哀其無子而少寡欲更嫁之廖氏翦髮自誓養姑至老不衰洪武中旌表之

廖氏常寧人聶文明妻也年二十四夫沒閉戶自經姑彭氏毀戶救之廖氏矢節與姑寢處一日有孤燕巢其室

年不去人以爲苦節所感院司守令皆表其廬

廖氏夏原吉母夫亡原吉始十三守節自誓勉子力學後原吉爲戶部就養京邸元夕張燈臣民共樂原吉奉母與觀文皇知之諭原吉曰卿以賢才爲國家用皆賢母訓育所致也撤御筵及室糶賜之

廖氏攸縣人謝某妻也年三十孀居苦守典賣衣釵課子永芳永善先後游泮芳聯捷任陝西蒲城知縣封廖孺人年九十卒

廖氏衡陽人庠生趙一鶚妻年十八適趙七年而一鶚早世遺孤在抱氏矢節撫孤訓戒特嚴養舅姑飲食非手調不進郡守優表之

邵氏博陵商音名公吏之後加邑

歷代名賢

氏姓譜 卷三

十八 婦 廖氏 七

邵平廣陵人爲秦東陵侯秦破後爲布衣種瓜于長安城東瓜有五色甚美世謂之東陵瓜今廣陵有東陵亭疑卽平所封地也

晉

邵續字嗣祖魏郡安陽人也父乘散騎侍郎續朴素有志烈博覽經史善談理義妙解天文初爲成都王穎參軍穎將討長沙王又續諫曰續聞兄弟如君若手今明公當天

下之敵而欲去一手乎續竊惑之穎不納後爲苟晞參軍除沁水令時天下漸亂續去縣還家糾合亡命得數百人王浚假續緞集將軍樂陵太守屯厭次以續子又爲督護續緞懷流散多歸附之石勒旣破浚遣又還招續續以孤危無援權附于勒勒亦以又爲都護旣而段匹磾在薊遣

書要續俱歸元帝續從之其下諫曰今棄勒歸匹磾任子危矣續垂泣曰我出身爲國豈得顧子而爲叛臣哉遂絕于勒勒乃害又續懼勒攻先求救于匹磾匹磾遣弟文鴟救續文鴟未至勒已率八千騎圍續勒素畏鮮卑及聞文鴟至乃棄攻具東走續與文鴟追勒至安陵不及虜勒所署官并驅三千餘家又遣騎入散勒北邊掠常山亦二千家而還匹磾既殺劉琨夷晋多怨叛遂率其徒依續勒南和令趙領等率廣川渤海千餘家背勒歸續而帝以續爲平原樂安太守右將軍冀州刺史進平北將軍假節封視阿子續遣兄子武邑內史存與文鴟率匹磾衆就食平原爲石季龍所破續先與曹嶷亟相侵掠嶷因存等敗乃破續屯田又抄其戶口續首尾相救疲于奔命大興初續遣存及文鴟屯濟南黃巾因以逼嶷嶷懼求和俄而匹磾

氏姓譜

卷三

十八

邵氏

六

率衆攻段末杯石勒知續孤危遣季龍乘虛圍續季龍躡至城下掠其居人續率衆出救季龍伏騎斷其後遂爲季龍所得使續降其城續呼其兄子竺等曰吾志雪國難以報所受不幸至此汝等努力自勉便奉匹磾爲主勿有二心時帝既聞續沒下詔曰邵續忠烈在公義誠慷慨綴集荒餘憂國亡身功勳未遂不幸陷沒朕用悼恨于懷所統任重宜時有代其部曲文武已共推其息緝爲營主續之忠誠著于公私今立其子足以安衆一以續本位卽授緝使總率所統效節國難雪其家仇季龍遣使送續于勒勒使使徐光讓之曰國家應符撥亂入表宅心遺晋悒威遠竄揚越而續蟻封海阿跋扈王命以夷狄不足爲君邪何無上之甚也國有常刑于分甘乎續對曰晋末飢亂奔控無所保合卿宗庶全老幼屬大王龍飛之始委命納質精

誠無憾不蒙慈恕言歸遺晉仍荷寵授誓盡忠節實無二  
心且受彼厚榮而復二三其趣者恐亦不容于明朝矣周  
文生于東夷大禹出于西羌帝王之興蓋惟天命所屬德  
之所招當何常邪伏惟大王聖武自天道隆虞夏凡在含  
生孰不延首神化恥隔皇風而况囚乎使囚去真卽僞不  
得早叩天門者夫王負囚囚不負大王也釁鼓之刑囚之  
恒分但恨天實爲之謂之何哉勒曰其言慨至孤愧之多  
矣夫忠于其君者乃吾所求也命張賓延之于館厚撫之  
尋以爲從事中郎令自後諸剋敵擒俊皆送之不得輒害  
冀獲如續之流初季龍之攻續也朝廷有王敦之逼不違  
救恤續旣爲勒所執身灌園鸞糞以供衣食勒屢遣察之  
歎曰此真高人矣不如是安足貴乎嘉其清苦數賜穀帛  
每臨朝嗟歎以勵羣官續獲之後存及竺緝等與匹禪

氏姓譜

卷三

十八

鄧氏

元

嬰城距危而帝又假存揚武將軍武邑太守勒屢遣季龍  
攻之戰守疲苦不能自立久之匹禪及其弟文鴟與竺緝  
等悉見獲惟存得潰圍南奔在道爲賊所殺續竟亦遇害

鄧氏

鄧洪 上谷沮陽人也縣令范道榮先自洺城歸歛以除  
縣令道榮鄉人徐孔明妄經公府訟道榮非勲道榮坐除  
名羈旅孤貧不能自理洪哲不勝義憤遂代道榮詣京師  
明申曲直經歷寒暑不憚劬勞道榮卒得復雪又北鎮反  
亂道榮孤單無所歸附洪哲兄伯川復率鄉人來相迎接  
送達幽州道榮感其誠節訴省申聞詔下州郡標其里閭

鄧氏

鄧楚萇 字待倫 閩縣人 貞元中及第 有題馬侍郎亭子歌  
詞極華俊焉 懼以此獲咎 遂撤毀之 由是詩名大振 爲校

書郎

邵師裕咸通中建昌縣人爲政以德邑人感之以德政名其鄉隣境之人多慕之來歸附又以卜隣名鄉取王翰願卜隣之意也

邵謁翁源人少貧賤爲吏令欲笞之謁掉臂截其髮矢志發憤讀書久之博通經子百家尤工古調學旣成抵國子聲華煇熿于薦紳間

邵大震字令遠安陽人與王勃同時工詩九日邀新都尉盧照鄰登元武山作旅眺詩照鄰亦有和作

邵拙宣賊人孤峭不撓博通經史飲酒常至百杯偶沉酗遂絕飲有詩百篇尙書郎孫邁爲之序命曰盧嶽集又有手抄史傳文集三百卷

氏姓譜

卷三

十八 邵氏

三

宋

邵亢字興宗丹陽人幼聰發十歲誦五千言賦詩豪縱見者驚偉范仲淹舉亢茂才異等試已入等矣以嫌疑報罷亢亦不自言會趙元昊叛因獻兵說十篇名試秘閣授穎川團練推官守晏殊一以事諉之民稅舊輸陳蔡運使欲覆折緡錢且多取亢言民輸勞費已甚方仍歲水旱又從而加取將不堪命乃止入爲國子直講館閣校勘同知太常禮院張貴妃薨立園陵禁京城樂一月亢累疏論罷之進集賢校理仁宗儲嗣未立亢力言以爲國之外患不過邊圉內患所繫社稷安危不可不早定擢提點開封縣鎮公事徙推官比禁火犯者不獲則罪主吏民或自燔其居以中吏亢請自今非延及旁舍雖失捕勿坐改度支判官契丹使賀乾元節值仁宗崩議者謂宜卻還亢請令奉書

至樞前使見嗣君從之英宗選爲穎王府翊善加直史館  
名對羣玉殿訪以時事稱曰學士真國器也擢同修起居  
注知制誥俄知諫院東宮建爲右庶子神宗立遷龍圖閣  
直學士時待制以上爲帥守每他徙必遷秩充請未滿兩  
歲者勿推恩吳奎與王陶辨論充詆奎所言失大臣體奎  
與韓琦竟去進充樞密直學士知開封充遇事敏密吏操  
牘至前必反覆閱之人或以爲勞充曰初雖煩勞後乃省  
力耳籍里閭惡少與故吏停廢者有犯皆遷之他處鬪訟  
爲之衰止拜樞密副使夏人誘殺知保安軍楊定朝廷謀  
西討充謂天下財力殫屈未宜用兵惟當降意撫納俟不  
順命然後師出有名因條上其事帝亦以人心一搖安危  
所係今動自我始先違信誓恐契丹聞之不期而合朕所  
深憂遂悉如充計未幾夏主諒祚死執殺定者來請和或

氏姓譜

卷三

十八嘯

邵氏

三

欲乘機更取塞門地充言幸人之喪非義乃止居院踰年  
無大補益帝與諫官孫覺言欲代以陳升之覺遠劾充薦  
升之帝怒其希指黜覺充亦引疾辭以資政殿學士知越  
州移鄭鄆毫三州卒年六十一贈吏部尚書爲人樂易有  
長者之譽論曰安簡

邵必字不疑充從父登進士爲上元簿善篆隸會國子立  
石經名充直講選編修唐書必以史出衆手非古人撰述  
之體辭不就進集賢校理同知太常理院出知常州名爲  
開封推官坐在常州日杖人至死責監邵武稅然受杖者  
實不死欠之知高郵軍提點淮南刑獄爲京西轉運使居  
官震厲風采始至郡唯一赴宴集行部但一受酒食之餽  
以爲數會聚則人情狎多受餽則不能行事非使者體也  
入修起居注知制誥雄州種木道上契丹遣人夜伐去及



數漁界河中事聞命必往使以理屈折契丹遂服還知諫院編仁宗御集成遷寶文閣直學士權三司使加龍圖閣直學士知成都卒年六十四

邵暭字日華其先京兆人唐末喪亂曾祖岳挈族之湖南彭玕刺全州辟爲判官遂家桂陽祖崇德道州錄事參軍父簡連山令暭幼嗜學登太平興國進士解褐邵陽縣簿改大理評事蓬州錄事參軍知州楊金性暴率誣民張道豐三人劫盜悉寘于死暭白令核實不聽旣而捕獲正盜金坐削籍暭代還引對太宗嘉獎以能活平民賜錢五萬擢光祿寺丞仍以金事戒諭天下尋使廣南採訪刑獄歷遷工部員外郎淮南轉運使景德中假光祿卿充交趾安撫國信使會黎桓死子龍鉞嗣兄龍全弟龍廷殺鉞自立龍明護復率扶蘭砮兵攻戰事聞改命暭爲緣海安撫使

氏姓譜

卷皇

十八

邵氏

三

許以便宜爲設方畧貽書諭朝廷威德俾速定位明護等聽命奉龍廷主軍事有諂俟其事定卽以黎桓禮物改賜新帥暭上言不若俟龍廷貢奉別加封爵而寵賜之真宗嘉納使還改兵部員外郎賜金紫嘗上邕至交水陸路及宜州山川等四圖頗詳控制之要判三司勾院坐失舉停任祥符初起知兗州表請東封就命爲京東轉運使禮畢拜刑部郎中再遷右諫議大夫知廣州鑿內濠通舟颺不能害卒年六十三

邵雍字堯夫其先范陽人幼從父古徙共城布裘蔬食躬爨以養年三十始至洛父喪哀毀盡禮塋父伊水上遂家河南雍英資天挺慷慨有大志始學于蘇門山百源之上堅苦刻厲寒不爐暑不扇夜不就席者數年已而歎曰昔人尙友千古而吾獨未及四方乃踰河汾涉淮漢周流齊

魯宋鄭之墟久之幡然來歸曰道在是矣遂不復出得北  
海李之才之傳探蹟索隱妙悟神契常著論以自况其言  
凡十餘萬世鮮有知其道者嘉祐中王拱辰以遺逸應詔  
授將作監簿潁州團練推官皆固辭不至居嘗蓬蓽環堵  
不芘風雨而怡然有所甚樂外人莫能窺也歲時耕稼僅  
給衣食名其居曰安樂窩自號安樂先生旦則焚香靜坐  
晡時酌酒三四甌微醺卽止興至哦詩自娛遇春秋出遊  
城中一人挽小車惟意所適士大夫家爭相迎候下至童  
儒厮僕皆驩相語曰吾家先生至矣或留信宿乃去好事  
者別作屋如雍所居以候其至名曰行窩仕宦道洛者或  
不之公府必之雍一時賢者悅其德不賢者服其化熙寧  
新法行州縣吏多投劾去門生故友皆貽書訪雍雍曰此  
賢者所當盡力之時新法固嚴能寬一分則民受一分賜

氏姓譜

卷三

十八

邵氏

三

矣授劾何益邪熙寧十年卒年六十七贈秘書省著作郎  
元祐中賜諡康節生平清而不激和而不流與人交久益  
尊信程顥初侍其父識雍論議退而歎曰堯夫內聖外王  
之學也雍知慮絕人遇事能前知程頤常曰其心虛明白  
能知之好事者務高其所爲至謂雍有玩世意又謂雍能  
于凡物聲氣之所感觸輒以其動而推其變焉于是撫事  
之已然者皆以雍言先之或者未必然也卽病時司馬光  
張載二程晨夕候之卒塋先塋顥爲銘墓稱其道純一不  
雜就其所至可謂安且成矣所著有皇極經世觀物內外  
篇漁樵問對擊壤集予伯溫仲良

邵伯溫字子文以河南尹與部使者薦特授大名助教調  
長子縣尉改西京教授初司馬康素以伯溫爲可託康卒  
子植幼伯溫至官進植誨之曰溫公之孫大諫之子賢愚

在天下可畏也。桓受教力學不懈，卒有立。伯溫秩滿當起，闕章惇方用事，以嘗事康節欲用之。至則先就吏部擬官，而後見惇除監丞，興鑄錢監方西邊用兵，從餉者得累數。階伯溫以職事當行，輒推同列秩滿，惇猶在位。伯溫義不入京，從外臺辟環慶帥幕，應詔日食。上書徽宗累數千言，語極懇至。後入邪等出監西嶽廟，久之歷靈寶芮城二縣。母憂服除，主管永興軍耀州三白渠公事。復避童貫，移知果州。請蠲歲輸瀘南諸州綾絹絲綿，以寬民力。擢提點成都路刑獄，盡載家屬以往。會賊史斌破武休關，踰漢利州。將窺劍門，伯溫與帥臣盧法原合謀拒守，賊不能入。蜀人德之後，終利路轉運副使。提舉太平觀年七十八，趙鼎少從伯溫遊，紹興中鼎爲相，乞行追錄，贈秘閣修撰。所著有河南集。邵氏聞見錄皇極系述、宣仁辨誣、辨惑皇極、經世序觀物內外篇、解近百卷。三子溥、徽、猷，閣待制、博秘書郎。傳朝請知郡。

氏姓譜

卷三

十八嘯

邵氏

三

邵成章，欽宗朝內侍。帝入青城，命衛皇太子赴宣德門稱制行事。太子北去，遂留于汴。元祐太后遣奉乘輿服御至南京，奉高宗登阼，從幸揚州。金人入山東，諸郡盜起，黃潛善、汪伯彥匿不以聞。及張遇焚真州，去行在六十里，帝亦不知。成章因條二人罪惡，必致誤國。且具申中書使之聞。帝怒，除名南雄州編管御史馬伸言：「今是何時，以言爲諱？」久乃思其忠直，召赴行在。行至洪州，潛善之徒忌之，不置。譖于帝曰：「邵九百來陛下，無歡樂矣。遂止之。金人入洪，聞其名訪求得之，語曰：「知公忠正能事吾主，可坐享富貴，成章不應脅之以威，亦不從。金人曰：「忠臣也，吾不忍殺之。金帛而去。」

邵煥淳化人咸平中年十歲以童子名赴闕真宗令賦春  
雨詩頃刻而就除正字令于秘閣讀書上嘗引入宮命賦  
睡宮娥詩立就且佳時人驚異累官至金部員外郎

邵炳淳安人晃之子登天聖五年進士第爲富陽簿秩滿  
歸築樓名曰白雲而隱焉范文正公守陸招之不就內相  
葉道卿郡倅張文定屈炳主錢塘學亦辭後張公在諫垣  
薦之名赴闕因上時政機要策三篇除秘書省校書郎知  
義烏縣不赴復還舊隱時稱白雲先生

邵材字聖規宜興人熙寧中試開封第一舉進士爲監察  
御史時王安石當國司馬光論新法一日語材曰劾去司  
馬大官可立待材毅然曰君實正人也可厚誣之乎卽自  
劾歸後終鴻臚卿

邵璠維子少與兄玘弟珪同游太學遇至人後歸都嶠山

氏姓譜

卷五

十八

邵氏

三

草菴修煉元符初蘇軾自嶺表歸訪璠菴中留旬餘璠後  
立草菴西蜀蛾眉山遁去不知所終留題壁間云往往來  
來三十年更無踪跡在四川功成行滿昇天去回首山頭  
月正圓

邵叶晉陵人元祐間宰新昌縣視事三月五色芝十二本  
生于室中黃山谷爲之記

邵士英字子實貴溪人淳祐進士理宗朝官翰林檢閱不  
阿權貴爲賈似道所扼退居鶴嶺構精舍日與弟子講學  
其中及卒江丞相萬里謚曰介隱先生

邵

邵光祖字宏道從父宦游來吳因家焉博通好古研精經  
傳窮六書之旨張士誠辟爲湖州學正不赴著尚書集義

六卷

郇敬祖宛邱人父喪哀毀廬墓母繼沒河決不克塋殯于城西敬祖露宿依其側風雨不去土人哀之爲縛草舍庇焉前後居廬六年兩髀俱成濕疾至治三年旌其家

**明**

郇玘字以先蘭谿人永樂中進士授御史仁宗監國知其廉直每法司缺官卽命玘署有重獄輒付之歷任中外所過人不敢犯宣德三年由福建按察使入爲南京左副都御史奏黜御史不職者十三人簡黜諸司庸懦不肖者八十餘人風紀大振居二年以疾卒官玘負氣好侮同列治獄頗刻深然持身廉潔內行修事母以孝聞

郇經邦字仲德仁和人正德十六年進士授工部主事權荆州稅甫三月稅額滿遂啟闕任商舟往來進員外郎嘉靖八年冬十月日有食之經邦時官刑部上疏以直言忤

氏姓譜

卷三

十八

郇氏

三

旨帝大怒立下鎮撫司拷訊獄上請送法司擬罪帝曰此非常犯不必下法司遂謫戍福建鎮海衛十六年皇子生大赦惟經邦與豐熙等八人不在此赦例經邦之戍所閉戶讀書與熙及同戍陳九川時相討論居鎮海三十七年卒閩人立寓賢祠祀三人隆慶初復官

郇捷春字肇復侯官人萬歷四十七年進士累官積勲郎中崇正二年出爲四川右參政分守川南撫定天全六番高楊二氏遷浙江按察使大計坐貶久之起四川副使以十年秋抵成都時秦賊已入蜀巡撫王維章總兵侯良柱悉眾北拒城中惟屯田軍及蜀府護衛軍人情懼懼捷春啟門納民避賊者中尉奉鐔勾賊抵城下捷春與御史陳廷謨禽擊奉鐔而募市人起廢將固守賊去蜀王疏其功會維章罷傅宗龍代命捷春監軍偕總兵羅尙文擊賊明

年尙文及安錦副使吳麟徵大破賊過天星等捷春進右  
丞政仍監軍十二年五月宗龍入掌中樞卽擢捷春右僉  
都御史代之時張獻忠羅汝才已叛謀入秦秦兵扼之興  
安乃犯興山及蜀太平遂窺大寧捷春遣副將王之綸方  
國安分道扼之國安連破賊賊還入秦楚十月朔楊嗣昌  
誓師襄陽檄蜀軍受節度嗣昌以楚地廣衍賊難制驅使  
入蜀蜀險阻賊不得逞感之可全勝又慮蜀重兵扼險賊  
將還毒楚調蜀精銳萬餘爲已用蜀中卒自是益罷弱不  
足支矣捷春憤曰令甲失一城巡撫坐今以蜀委賊是督  
師殺我也爭之不能得于是汝才惠登相遂自興山遠安  
犯大寧大昌獻忠亦西至太平明年二月左良王大破獻  
忠瑪瑙山他將張應元張令等復數敗之獻忠乃逃興歸  
山中久之復振由汝才入寧昌故道走而西初汝才在寧

氏姓譜

卷三

十八嘯

邵氏

三

昌阻江爲諸將劉貴秦良玉秦翼明楊茂選等所拒不得  
渡會獻忠西遂與合貴等戰皆却賊乃渡江營萬頃山苦  
桃灣其別部營紅茨崖青平若歸巫間大震嗣昌乃上夷  
陵而檄捷春扼夔門蜀大寧大昌界楚竹溪房縣有三十  
二隘口嗣昌欲厚集兵力專守夔棄寧昌噉賊官軍環攻  
之捷春曰棄隘口不守是延賊入戶也乃遣茂選及覃思  
岱等出關分守二將不相得思岱潛殺茂選捷春令兼統  
其衆其衆相率去賊入隘守者潰賊斬夔關將士大驚潰  
新寧大竹皆陷而汝才登相越巴霧河陷開縣爲鄭嘉棟  
賀人龍所破汝才乃與小秦王混世王東奔而登相獨過  
開縣西人龍及李國奇又西追之汝才等遁還興山屢挫  
會嗣昌下招降令小秦王混世王皆降惟汝才逸去嗣昌  
見楚地無賊以八月終率師入蜀于是羣賊盡萃蜀中當

是時捷春提弱卒二萬守重慶所倚惟秦良玉張令軍無  
何秦師謀而西歸楚將張應元等敗績于夔州之土地嶺  
于是捷春以大昌上中下馬渡水淺地平難與持久乃扼  
水寨觀音巖爲第一隘以部將邵仲光守之而夜又巖三  
黃嶺磨子巖魚河洞下涌諸處各分兵三四百人以守萬  
元吉以兵分力弱爲憂捷春不聽九月獻忠突敗仲光軍  
破上馬渡元吉急檄諸將分邀之復令張奏凱屯淨壁捷  
春遣二將羅洪政沈應龍爲助十月獻忠突淨壁遂陷大  
昌屯開縣良玉令兩軍皆覆賊行則哨探止則息馬抄糧  
闕隘偵候不明防軍或遠離戍所賊乘隙而過無人之境  
嗣昌遂收斬仲光上疏劾捷春失事捷春收兵扼梁山時  
登相已歸正而汝才復與獻忠合以梁山河深不能渡乃  
自開縣西走達州捷春退保綿州扼涪江賊疾走陷劍州

氏姓譜

卷百三

十八

邵氏

三

遂起廣元將由間道入漢中爲秦兵所扼乃復走巴西應  
元諸軍邀之梓潼戰小利旣而劔蜀將曹志耀等力戰却  
之降將張一州張載福陷陣死涪江師遂潰賊屠綿州捷  
春歸成都賊逼成都十一月逮捷春使者至遂以軍事付  
代者廖大亨而去捷春爲人清謹治蜀有惠政士民哭送  
者載道舟不得行競逐散官旗蜀王爲疏救不聽敕巡按  
御史遣官送京師下獄論死捷春知不可脫明年八月仰  
藥死獄中福王時復官贈兵部右侍郎

邵寶字國賢無錫人年十九學于江浦莊景成化二十年  
舉進士授許州知州月朔會諸生于學宮講明義利公私  
之辨正穎考叔祠墓改魏文帝廟以祠漢愍帝不稱獻而  
稱愍從昭烈所諡也巫言龍骨出地中爲禍福寶取骨毀  
于庭杖巫而遣之躬課農桑倣朱子社倉立積散法行計

口澆田法以備凶荒宏治七年入爲戶部員外郎歷郎中  
遷江西提學副使釋菜周元公祠修白鹿書院學舍處學  
者其教以致知力行爲本江西俗好陰陽家言有數十年  
不葬父母者寶下令士不葬親者不得與試于是相率舉  
塋以千計寧王宸濠索詩文峻却之後宸濠敗有司校勘  
獨無寶跡遷浙江按察使再遷右布政使與鎮守太監勘  
處州銀礦寶曰費多獲少勞民傷財慮生他變率奏寢其  
事進湖廣布政使正德四年擢右副都御史總督漕運劉  
瑾擅政寶至京絕不與通瑾怒漕帥平江伯陳熊欲使寶  
劾之遣校尉數輩要寶左順門危言恐之曰行逮汝張綵  
曹元自內出語寶曰君第劾平江無後患矣寶曰平江功  
臣後督漕未久無大過不知所劾二人默然出越三日給  
事中劾熊併及寶勒致仕去瑾誅起巡撫貴州尋遷戶部

民姓譜

卷五

十八 鄒氏

五

右侍郎進左侍郎命兼左僉都御史處置糧運及會勘通  
州城濠歸奏稱旨尋疏請終養歸御史唐鳳儀葉忠請用  
之留都便養乃拜南京禮部尙書再疏辭免世宗卽位起  
前官復以母老懇辭許之命有司以禮存問久之卒贈太  
子太保諡文莊寶三歲而孤事母過氏至孝甫十歲母疾  
爲文告天願減己算延母年及終養歸得疾左手不仁猶  
朝夕侍親側不懈學以洛閩爲的嘗曰吾願爲真士大夫  
不願爲假道學舉南畿受知于李東陽爲詩文典重和雅  
以東陽爲宗至于原本經術粹然一出于正則其所自得  
也博綜羣籍有得則書之簡取程子今日格一物明日格  
一物之義名之曰日格子所著學史簡端二錄巡撫吳廷  
舉上于朝外定性書說漕政舉要諸集若干卷學者稱二

泉先生



邵夢河廣東人崇正間安府通判署安福縣事張獻忠寇  
陷郡邑且將及境夢河慷慨登陴守禦勢不可支遂遇害  
邑民得餘骨殯之建忠節祠祀之

邵誼字思宜休寧人洪武初以文學舉時母年八十餘授  
本縣學訓導以就養善篆隸工山水尤精紅梅墨菊自號  
瓜圃鋤雲調黥縣中書舍人詹希原禮部侍郎朱同咸推  
重其字學弟孜字思善聰敏能文善梅竹山水縣尹唐子  
華畫擅當時孜盡得其妙一

邵嵩字惟獄都昌人永樂辛丑進士授御史歷按廣東河  
南隨扈從山東討武定州及漢府有功上賜劍鑄詩有三  
尺神鋒光皎潔一片精城爲白雪之句後忤權臣被謫景  
泰中屢徵不起士論歸之

邵玉字德溫鄞人舉宣德十年鄉試授汝州學政秩滿陞

氏姓譜

卷百三

十八

邵氏

早

南寧及河間府學教授九年最績轉順天府學用兵部尙  
書馬昂薦擢雲南按察司僉事提督學校已乃以足疾納  
祿而歸性至孝痛母早喪卽宦輒萬里必將父以養其教  
士先嚴義利之訓以身爲範嘗三典文衡得人爲多有市  
首飾者直可百金妻取而玩之玉謂曰汝欲之乎使婦飾  
百金爲之夫者難乎其爲廉矣卒以清約終身門人李東  
陽表其墓

邵蕃字文盛餘姚人成化甲辰進士問學淵博操履清慎  
爲政務簡易不事煩苛尤留意教化遇人賢不肖不見忿  
厲之容歷任九載始終不渝治行爲江南第一擢監察御  
史提督學校

邵敏湘陰人事母孝母沒廬墓三年一夕有虎來墓所敏  
了無懼色忽數鹿來逐之去墓旁產芝數本人以爲孝感

所致成化間旌其門

邵清字士廉江寧人幼有至性母卒時纔三歲置于別室清號泣欲往視聞者異之長端潔好學宏治壬子舉于鄉授江西德化教諭教諸生必以孝悌節義爲言束修問饋之儀無敢及門者乙卯秋山東巡按聘典試事志在甄拔才俊高下咸自主斷巡按者素重清名不易也事竣卽就道有謁贄者拒不受藩臬交章薦之考上上選授監察御史教職擢臺臣自清始也

邵錦陝西商州人由舉人宏治十五年來知雞澤縣時值大疫之後紀綱弛而人心訛錦修法度尙寬和損益因俗而更張有漸賦役以時而催科不擾百姓使之無梗化者時值劉賊亂城郭完人心固率賴以保障焉及去邑民思之立石頌德教諭東莞李一寧爲之記

氏姓譜

卷三

十八

邵氏

四

邵南字文化烏程人嘉靖乙未進士授行人歷按察副使南淳實敦確公廉清慎自弟子員以至宦成好學不倦一時名流如劉清惠凌時東施箐陽皆與之爲友云

邵震貴溪人成化中由進士擢守衡州府政尙寬簡與民休息一切征輸徭役區畫均平將報政舟覆于江同舟溺者六人震獨不死人以爲惠民之報云

邵以正雲南人早得道法于劉淵然淵然請老薦之名爲羊嶺高左元父正統中遷左正一領京師道教事景泰時賜號悟元養素凝神冲默闡微振法通妙真人天順三年將行慶成宴故事真人列二品班末至是帝曰殿上宴文武官真人安得與其送筵席與之遂爲制

邵宗元字景康碭山人由恩貢生歷保定同知有治行李自成陷山西宗元時攝府事乃與何復謁文廟與諸生講

見危致命章詞氣激烈講畢賊使投書誘降宗元手裂之  
明日賊大至絡繹三百里有數十騎服婦人衣言所過百  
餘城皆開門遠迎不降卽屠且京師已破汝爲誰守城上  
人聞之髮豎皆裂賊環攻累日宗元等守甚堅賊稍稍引  
却督師大學士李建泰率殘卒數百輦餉銀十餘輛叩城  
求入宗元等不許建泰舉劄印示之宗元曰荷天子厚恩  
御門賜劍酌酒餞別今不仗鉞西征乃叩關避賊邪時賊  
攻益厲建泰倡言曰勢不支矣姑與議降書牒迫宗元用  
印完元抵叩厲聲曰我爲朝廷守土義不降欲降者任爲  
之大哭引刀將自刎左右急止之皆兩泣城遂陷宗元及  
中官方正化不屈死

邵繼稷字子才天性孝友萬歷歲貢授雲和教諭引年致  
仕休居二十年讀書訓孫吟詩藝圃日有課程天啟初卒

年八十七

歷代列女

氏姓譜

卷三

十八嘯

邵氏

四

邵氏丹陽大俠邵方家婢也方子儀令婢視之故相徐階  
高拱竝家居方以策干階階不用卽走謁拱爲營復相名  
傾中外萬歷初拱罷張居正屬巡撫張佳允捕殺方并逮  
儀儀甫三歲捕者以日暮未察閉方所居宅守之方女夫  
武進沈應奎義烈士負氣有力時爲諸生念儀死邵氏絕  
將往救之而府推官與應奎善固邀飲夜分乃罷武進距  
方五十里應奎踰城出夜半抵方家踰墻入婢方坐燈下  
抱儀泣曰安得沈郎來屬以此子應奎倉卒前婢立以儀  
授之頻首曰邵氏之祀在君矣此子生婢死無憾應奎匿  
儀去晨謁推官旦日捕者失儀繫婢毒掠終無言或言于  
守曰必應奎匿之奎所善推官在坐大笑曰寃哉應奎夜

飲于余晨又謁余也會有爲方解者事乃寢婢撫其子以老

邵氏鄒縣張一桂妻同妾李氏遇賊欲迫李行邵罵曰亡夫以妾託我豈令受賊辱賊怒殺之李知不免結曰我有簪珥埋後園井旁賊隨李發之至則曰主母爲我死我豈獨生卽投井賊下井扶之李披髮破面罵不已扭其衣欲令併死井底叫聲若雷賊知不可強乃刃之

邵氏商州人布政可立女侍郎雒南薛國用子匡倫妻也流賊將至避之母家商州陷賊驅使執爨罵曰吾大家女嫁大臣子肯爲狗賊作飯邪賊怒斫其足罵益厲斷舌寸磔之

邵氏曲周李純盛妻寇至姑姊妹俱避地洞中邵爲寇所得問洞所在給行寇喜隨之徑往井傍投井死洞中五十餘人俱獲免

氏姓譜

卷三

十八

邵氏

三

邵氏梁貴妻也方娶貴卽成金齒卒邵年二十五攜孤裹首歸旣葬克孝公姑始終無二

邵氏仁和人工吟韻有詩云歲暮蕭蕭雨雪多寒威入戶墮金梭忽聞青鳥傳消息爲問佳音更若何

邵氏名善果高郵人邵琪女也字同郡朱信家甚貧一日涉水死善果聞之自脫一衣一帕令其弟往歛之及反善果閉門整衣自縊死州府爲立烈女祠

邵氏山陽人吳思舜妻也年二十七遺孤長以進次以達僅八十日氏撫孤事舅姑極盡其道子後成立又姪以通撫亦如已子漕憲宋大典史可法俱有旌表八十八歲終邵氏王禹傳妻也分水人禹中浙江辛酉副榜第一尋病故氏年二十四矢志撫孤壽九十七撫按旌曰百年節壽

郇氏府城劉清徹妻也年二十而清徹死郇撫孤守節正德間華林賊入城郇走匿孔家塘賊搜之登岸郇匍伏于水堅不行賊怒殺之

郇氏永昌庠生潘承志妻也嘉靖間隨父任沒于桃源卅年二十三子方雅郇撫孤兒竟夕紡績以佐紙筆一時三喪並集勤劬勤壘訓子先乎補弟子員孫一桂登甲科官御史守節五十三年

郇氏太學生周燕妻教諭繼稷女也燕故序班周榮子也榮家法嚴整閨門禮節肅然郇少嫻內則未嘗少忤嫡姑何氏病甚郇割股和粥以進疾竟愈及何早世榮長妾唐氏主家政頗操切承順無違庶姑趙氏燕生母也失寵病困郇又割股和粥進之亦獲愈生平自秘不以告人或問其故諱不言長男思贇初聞其事不敢問偶視其臂割痕

氏姓譜

卷三

十八補

郇氏

四

宛然失聲叩其實則曰此偶然事慎勿向人言若以此要名是重吾愆也思贇亦隱默不洩年五十有四卒親族憐之

郇氏湘陰人黎嘉品妻也值獻賊潰兵殺掠氏抱幼子甫半歲匿荆棘中賊搜獲脅之氏罵曰我大家女願死不辱賊殺之投于潭明日獲其尸猶抱子浮水面子竟不死

郇氏常德衛人吳經妻年十九而寡遺孤二歲家貧鬻地以壘守節養姑土豪侵凌逼嫁氏毀容終節事聞旌表

名氏

或作郇姬姓名公食邑也杜預云扶風雍縣東南有公亭雍今鳳翔天興此舊地也東遷之後其地在今王屋人周公封魯召公封燕雖各之國也然其後有留佐周室者世爲周卿士也周厲王時周德衰微兄弟道缺名

穆公于東都收會宗族而作常棣之詩名簡公之後不見春秋名與郈一氏而後世分爲二齊有名忽漢功臣有召歐又南陽太守召信臣生馴孫材此單名者也秦有郈不疑及汝南安陽之族皆從邑

歷代名賢

周

召忽齊公子糾臣也初齊僖公生公子諸兒公子糾公子小白使鮑叔傅小白鮑叔辭管仲與召忽往見之曰何故不出鮑叔曰先人有言曰知子莫若父知臣莫若君今君知臣之不肖也是以使賤臣傅小白也賤臣知棄矣忽曰子固辭無出吾權任子以死亡必免子管仲曰不可持社稷宗廟者不讓事不廣閑將有國者未可知也子其出乎忽曰不可吾三人者之于齊也譬猶鼎之有足也去一焉

氏姓譜

卷三

十八 諸 召氏

四

則必不立矣吾觀小白必不爲後矣管仲曰不然國人憎惡糾之母以及糾之身而憐小白之無母也諸兒長而賤事未可知也夫所以定齊國者非此二公子者將無已也小白之爲人無小智而有天慮天不幸降禍于齊糾雖立不濟非子定社稷其將誰也忽曰百歲之後吾君卜也犯吾君命而廢吾所立奪吾糾也雖得天下吾不生也管仲曰夷吾之爲君臣也將承君命奉社稷以持宗廟豈死一糾哉夷吾之所死者社稷破宗廟滅祭祀絕則夷吾死之非此三者則夷吾生夷吾生則齊國利矣鮑叔曰然則奈何管子曰子出奉令則可鮑叔許諾遂傅小白僖公卒以諸兒長得爲君是爲襄公襄公無道庶弟公孫無知作亂弑襄公鮑叔牙奉小白奔莒管夷吾召忽奉公子糾奔魯旣而雍廩殺無知小白自莒先入魯人納公子糾戰于乾

時管仲射小白中鉤魯師敗績小白踐位是爲桓公桓公問于鮑叔曰將何以定社稷鮑叔曰得管仲與召忽則社稷定矣君若欲定齊之社稷則亟迎之遂遣使請管仲于魯魯君乃遂束縛管仲召忽以與齊使管仲謂召忽曰子懼乎召忽曰何懼乎吾不早晚死將胥有所定也今既定矣令子相齊之左必令忽相齊之右雖然殺君而用吾身是再辱我也子爲生臣忽爲死臣忽也知得萬乘之政而死公子糾可謂有死臣矣子生而霸諸侯公子糾可謂有生臣矣死者成行生者成名不兩立行不虛至于其勉之死者有分矣乃行入齊境自勿而死管仲遂入君子曰召忽之死也賢其生也管仲之生也賢其死也

名信臣字翁卿九江壽春人也以明經甲科爲郎出補穀

氏姓譜

卷五

十八

名氏

四

陽長舉高第遷上蔡長其治視民如子所居見稱述超爲零陵太守病歸復徵爲諫大夫遷南陽太守其治如上蔡信臣爲人勤力有方畧好爲民興利務在富之躬勸耕農出入阡陌止舍離鄉亭稀有安居時行視郡中水泉開通溝瀆起水門提闕凡數十處以廣溉灌歲歲增加冬至三萬頃民得其利畜積有餘信臣爲民作均水約束刻石立于田畔以防分爭禁止嫁娶送終奢靡務出于儉約府縣吏家子弟好游敖不以田作爲事輒斥罷之甚者案其不法以視好惡其化大行郡中莫不耕稼力田百姓歸之戶口增倍盜賊獄訟衰止吏民親愛信臣號之曰召父荊州刺史秦信臣爲百姓興利郡以殷富賜黃金四十斤遷河南太守治行常爲第一復數增秩賜金竟寧中徵爲少府列于九卿奏請上林諸離遠官館稀幸御者勿復繕治共

張又奏省樂府黃門倡優諸戲及宮館兵弩什器減過秦  
半大官圃種冬生葱韭菜茹覆以屋廡晝夜難蘊火待溫  
氣乃生信臣以爲此皆不時之物有傷于人不宜以奉供  
養及他非法食物悉奏罷省費歲數千萬信臣年老以官  
卒元始四年詔書祀百辟卿士有益于民者蜀郡以文翁  
九江以名父應詔書歲時郡二千石率官屬行禮奉祠信  
臣冢而南陽亦爲立祠

名馴字伯春信臣曾孫也少習韓詩博通書傳以志義聞  
鄉里號之曰德行恂恂名伯春累仕州郡辟司徒府建初  
元年稍遷騎都尉侍講肅宗拜左中郎將入授諸王帝嘉  
其義學恩寵甚崇出拜陳留太守賜刀劍錢物元和二年  
入爲河南尹章和二年代任隗爲光祿勳卒于官賜冢塋  
陪園陵孫休位至青州刺史

氏姓譜

卷三

十八

銘氏至

少氏少昊氏之後一云少典之後漢少年唯下邳令

鈞氏宋鈞宏眉州人紹興進士

妙氏

見姓苑明妙齡河州衙指揮宏治辛酉領兵固原殺賊

戰死

肖氏

見姓譜漢肖安國肖玉肖培肖雱肖同俱陳留人見印  
數明肖靖襄城人宣德中解元按字彙無肖姓有肖姓  
譜姓存疑可也

去聲

十九

效氏見姓苑

教氏見姓苑明教輔直永年人宏治中山西稷山縣丞

孝氏



風俗通云齊孝公支孫之後以諡爲氏宋孝發靖州知州明孝廉山東蒙陰人宏治中直隸雞澤縣丞

校氏周官校人之後唐天寶有校傑河南士曹

豹氏入元叔豹之後也三國豹皮公魏騎將

淖氏首閭魯恭王有淖姬姓纂楚將淖齒

貌氏見姓苑周貌辨齊臣

去聲 二十號

號氏見姓苑

暴氏

一音瀑暴公周鄉士見毛詩風俗通暴辛公周諸侯也秦有將軍暴薦漢御史大夫暴勝之字公子河東人後魏有暴顯魏郡人

歷代名賢

氏姓譜

卷五

十九教

貌氏至 只

暴勝字公子武帝末爲直指使衣繡衣持斧鉞威鎮州郡惟雋不疑謁之

南北

暴顯字思祖魏郡斥邱人也祖喟仕魏爲朔州刺史因家焉父誕魏恒州刺史樂安公顯幼時見一沙門指之曰此郎子好相表大必爲良將貴極人臣語終矣之顯善騎射會從魏孝莊帝出獵一日手中獲禽獸七十三後從齊神武起義信都累遷北徐州刺史封屯留公天保中以賊貨解州大理禁止處斷未訖爲合肥被圍遣顯與步大汗薩等攻梁北徐州禽其刺史王彊天統中累遷位特進封定陽王四年卒年六十六歲

明

暴昭潞州人洪武中由國子生授大理寺司務三十年擢刑部右侍郎明年進尚書耿介有峻節布衣麻履以清儉知名建文初充北平採訪使得得燕不法狀密以聞請預爲備燕兵起設北平布政司于真定昭以尚書掌司事與鐵鉉輩悉心經畫平安諸軍敗名歸金川門陷出亡被執不屈磔死

郃氏

周文王之子封于郃或又言第十一子聃季之弟子魯今單州成武有二郃城是其地也晉有高昌長郃玖望出安定京兆

歷代名賢

郃知章藥平人家世業儒有詩名與司業王嗣能齊各世

氏姓譜

卷五

二十號

郃氏至 兕

號玉郃

明

郃天德河內義民闖寇圍孟縣天德父子五人同罵賊死

歷代烈女

郃氏花雲妻賦性剛烈識理道每對雲語及王事則曰報國爲忠語及諸將則曰不妄殺爲良識者重之雲以院判守太平僞漢陳友諒攻其城城中乏食士馬俱億城遂陷雲乃被執罵賊至死不輟郃時一子甫三週聞雲與賊戰勢危郃抱其兒泣謂家人曰城且破吾夫必死之吾夫死吾必不獨生然不可使花氏無後嬰兒在若等善撫育之聞雲就縛悲慟哽咽以求死家人止之不及遂赴水死焉郃氏婦姓郃長垣郃仁妻也仁卒遺二孤長甫三歲次在襁褓紡績自給有憐其貧而勸以他適者卽哀泣力拒以

乃自誓事姑羅氏鄉人稱孝後次子永春少登進士第立  
朝譽謬風裁自持皆庭帷規範之力也隆慶二年旌表之  
到氏楚屈到之後以名爲氏

歷代名賢

南北

到溉字茂灌彭城武原人曾祖彥之宋驃騎將軍祖仲度  
驃騎江夏王從事中郎父坦齊中書郎溉少孤貧與弟洽  
俱聰敏有才學早爲任昉所知由是聲名益廣起家王國  
左常侍轉後軍法曹行參軍歷殷中郎出爲建安內史遷  
中書郎兼吏部太子中庶子湘東王諱爲會稽太守以溉  
爲輕車長史行府郡事高祖敕王曰到溉非直爲汝行事  
足爲汝師間有進止每須詢訪遭母憂居喪盡禮朝廷嘉  
之服闕猶蔬食布衣者累載除通直散騎常侍御史中丞

氏姓譜

卷三

二十號

到氏

五

太府卿都官尚書郢州長史江夏太守加招遠將軍入爲  
左民尚書溉身長八尺美風儀善容止所莅以清白自修  
性又率儉不好聲色虛室單床傍無姬侍自外車服不事  
鮮華冠履十年一易朝服或至穿補傳呼清路示有朝章  
而已頃之坐事左遷金紫光祿大夫俄授散騎常侍侍中  
國子祭酒溉素謹厚特被高祖賞接每與對棊從夕達旦  
溉第齋前山池有奇石高祖戲與賭之并禮記一部溉並  
輸焉未進高祖謂朱异曰卿謂到溉所輸可以送未溉歛  
板對曰臣既事君安敢失禮高祖大笑其見親愛如此後  
因疾失明詔以金紫光祿大夫散騎常侍就第養疾溉家  
門雍睦兄弟特相友愛初與弟洽常共居一齋洽卒後便  
捨爲寺因斷腥羶終身蔬食別營小室朝夕從僧徒禮誦  
高祖每月三置淨饌恩禮甚篤蔣山有延賢寺者溉家世

創立故生平公俸咸以供焉畧無所取性又不好交游惟  
與朱异劉之遴張緒同志友密及邸疾家園門可羅雀三  
君每歲時常鳴騶枉道以相存問置酒叙生平極歡而去  
臨終屬張劉勒子孫以薄塋之禮卒時年七十二詔贈本  
官有集二十卷行于世時以漑洽兄弟比之二陸故世祖  
贈詩曰魏世重雙丁晉朝稱二陸何如今兩到復似凌寒  
竹子鏡字圓照安西湘東王法曹行參軍太子舍人早卒  
鏡子蓋早聰慧起家著作佐郎歷太子舍人宣城王主簿  
太子洗馬尚書殿中郎嘗從高祖幸京口登北顧樓賦詩  
蓋受詔便就上覽以示漑曰蓋定是才子翻恐卿從來交  
章假手于蓋因賜漑連珠曰研磨墨以騰文筆飛毫以書  
信如飛蛾之赴火豈焚身之可吝必老年其已及可假之  
于少蓋其見知賞如此除丹陽尹丞太清亂赴江陵卒

氏姓譜

卷五

子號

到氏

五

到洽字茂公年十八爲南徐州迎西曹行事謝朓文章盛  
于一時見洽深相賞好每稱其兼資文武朓後爲吏部欲  
薦之洽視世方亂深相拒絕遂築室巖阿幽居積歲時人  
號曰居士任昉與洽兄沆旣竝善嘗訪洽于田舍歎曰此  
子日下無雙遂申拜親之禮梁武帝問待詔即遲曰到洽  
何如沆漑遲對曰正清過于沆文章不減漑加以清言殆  
將難及卽召爲太子舍人御幸華光殿詔洽及沆蕭琛任  
昉侍燕賦二十韻詩以洽辭爲工賜絹二十四匹上謂昉曰  
諸到可謂才子昉對曰臣常竊議宋得其武梁得其文遷  
司徒主簿直待詔省敕使抄甲部書爲十二卷遷尙書殿  
中郎後爲太子中舍人與庶于陸倕對掌東宮管記俄爲  
侍讀侍讀省仍置學士二人洽復充其選遷國子博士奉  
敕撰太學碑普通元年累遷尙書吏部郎請託不行徙

丞準繩不避貴戚時帝欲親戎軍國容禮多自洽出尋遷  
御史中丞彈糾無所顧望號爲勁直當時肅清以公事左  
降猶居職舊制中丞不得入尙書下舍洽兄漑爲左民尙  
書洽引服親不應有礙刺省詳決左丞肅子雲議許入旣  
省亦以其兄弟素篤不能相別也出爲尋陽太守大通元  
年卒于郡時年五十一贈侍中諡曰理子洽美容質善言  
吐弱年聽伏曼容講未嘗傍膝伏深嘆之文集行于世

到訖字茂隆曾祖彥之宋將軍父撝齊五兵尙書沈幼聰  
敏五歲時撝于屏風抄古詩沈請教讀一遍便能諷誦及  
長善屬文工篆隸美風神容止可悅梁天監初遷征虜主  
簿東宮建以爲太子洗馬時文德殿置學士省名高才碩  
學者待詔其中使校定墳史詔沈通籍焉時高祖譙華元  
殿命羣臣賦詩御詔沈爲二百字二刻使成沈于坐立奏

氏姓譜

卷五

二十號

到氏至

五

其文甚美俄以洗馬管東宮書記及散騎省優策文三年  
詔尙書卽在職清能者爲侍郎以沈爲殿中曹侍郎此曹  
以文才選沈從父兄漑洽並有才名時皆相代爲之見榮  
當世遷太子中舍人沈爲人謙敬不論人長短任昉范雲  
皆與友善其年遷丹陽尹丞以疾不能處職事遷北中郎  
諮議參軍五年卒官年三十高祖甚傷惜焉詔賜錢二萬  
布三十四所著詩賦百餘篇

到遁彭城人彥之孫元徽中爲寧遠將軍肅道成將行篡  
遁以力諫見殺

隋氏漢書任俠潛仲叔西河人少子游亦以俠聞

奧氏

唐奧屯茂大名人文德間任河南陝西都轉運鹽使司  
運使有惠政旣去民立像祀之明奧里俊麻城人洪武

初知餘干縣

冒氏

衛青傳冒姓為衛氏音貌又左傳貪冒之民竝音墨

歷代名賢

明

冒若如舉人洪武中舉明經授本學訓導有造士聲于政  
官都御史

冒政字有恒任南京戶部主事歷員外郎郎中陞武昌府

轉山東右參政至布政使遷都察院右副都御史巡撫寧

夏劉瑾陷之逮就獄鞫問瑾誅復其官致仕卒歷任俱有

善政居家能孝愛人皆稱之

冒鸞字庭和如舉人年十六舉于鄉第進士改武庫主事

壬戌會試充同考官所取多知名士陞郎中淮揚備用馬

氏姓譜

卷五

二十號

冒氏至

五

舊納折色時欲令納馬鸞上章爭之得免有中官守備南

京倚逆瑾奏討馬五十四匹船五十隻鸞滅其半陞福建左

參議

冒夢齡字汝九如舉人選貢知會昌縣萬山窮僻吏治墮

賦夢齡立意振刷橫江橋以濟民新學宮以課士民懷之

賧氏 賧煎大夫

抱氏 漢末時杞康避董卓難改姓抱

歷代名賢

明

抱嶷字道德安定石唐人也幼時隴東人張乾王反家染

其逆及乾王敗父昭生逃免嶷獨與母沒于內宮受刑遂

為官人小心慎密累遷中常侍中曹侍御尚書賜爵安定

公自總納言職當機近諸所奏議必致抗直孝文文明太

后嘉之以爲殿中侍御尙書太后既寵之乃徵其父睹生拜太中大夫將還見于皇信堂孝文執手曰老人歸途幾日可達好慎行路其見幸如此睹生卒贈秦州刺史諡曰靖賜黃金八十斤繒練及絹八百匹以供喪用并別使勞慰加疑大長秋卿疑老疾乞外祿乃出爲涇州刺史特加右光祿大夫將之州孝文餞于西郊樂陽殿以御白羽扇賜之十九年以刺史從駕南征以老舊每見勞問數道稱疑之正直命乘馬出入行禁之間與司徒馮誕同例軍迴還州自以故老前官爲政多守往法不能遵用新制侮慢士族簡于禮接卒于州先以從弟老壽爲後又養太師馮熙子次興疑死後二人爭立疑妻張氏致訟經年得以熙子爲後老壽亦仍陳訴終獲紹爵次興還于本族

鄭氏邑名見姓纂

氏姓譜

卷三

字號

鄭氏至

吾

好氏火報切見纂要

嫪氏郎到切按從女者姓也秦有嫪毒見呂布傳

告氏 耗氏俱見姓苑

受氏音到見直音又見干姓編望出河內字從丈丩從又音到又集韻類編受姓也亦從又與受字同非也

采氏音報見直音

冪氏音奧見直音

暴氏

見干姓編

去聲

十一箇

簡氏見姓苑

賀氏

卽慶氏也姜姓齊桓公之支庶也自齊慶父之後皆以

慶爲氏至後漢汝陰令慶儀卽慶普之裔也儀之孫黼  
黼子侍中質避安帝父諱改爲賀氏又後魏賀蘭氏賀  
賴氏並改爲賀氏虜姓也望出廣平

歷代名賢

賀純字仲真少爲諸生博極羣藝純十辟公府三舉賢良  
方正皆不就復徵拜議郎數陳災異陳便宜數十事多見  
納遷江夏太守

三國

賀齊字公苗會稽山陰人也少爲郡吏守鄒長縣吏斯從  
輕俠爲奸齊欲治之主簿諫曰從縣大族山越所附今日  
治之明日寇至齊聞大怒便立斬從從族黨遂相糾合衆  
千餘人舉兵攻縣齊率吏民開城門突擊大破之威震山

氏族譜

卷五

二子簡

賀氏

五

越後太末豐浦民反轉守太末長誅惡養善期月盡平建  
安元年孫策臨郡察齊孝廉時王朗奔東治候官長商升  
爲朗起兵策遣永寧長韓晏領南部都尉將兵討升以齊  
爲永寧長晏爲升所敗齊又代晏領都尉事升畏齊威名  
遣使乞盟齊因告喻爲陳禍福升遂送上印綬出舍求降  
賊帥張雅詹疆等不願升降反共殺升雅稱無上將軍疆  
稱會稽太守賊盛兵少未足以討齊往軍息兵雅與女婿  
何雄爭勢兩乖齊令越人因事交構遂致疑隙阻兵相圖  
齊乃進討一戰大破雅疆黨震懼率衆出降候官旣平而  
建安漢興南平復亂齊進兵建安立都尉府是歲八年也  
郡發屬縣五千兵各使本縣長將之皆受齊節度城隍防  
洪進苑御吳免華當等五人率各萬戶連屯漢興吳五六  
千戶別屯大潭鄒隔六千戶別屯蓋竹大潭同出餘汗軍



討漢興經餘汗齊以爲賊聚兵少深入無繼恐爲所斷令楊松長丁蕃留備餘汗蕃本與齊鄰城恥見部伍辭不肯留齊乃斬蕃于是軍中震慄無不用命遂分兵留備進討明等連大破之臨陣斬明其免當進御皆降轉擊蓋竹軍向大潭三將又降凡討治斬首六千級名帥盡禽復立縣邑料出兵萬人拜爲平東校尉十年轉討上饒分以爲建平縣十三年遷戚武中郎將討丹陽繫欵時武彊葉鄉東陽豐浦四鄉先降齊表言以葉鄉爲始新縣而欵賊帥金奇萬戶屯安勤山毛甘萬戶屯烏聊山暨帥陳僕祖山等二萬戶屯林歷山林歷山四面壁立高數十丈徑路危狹不容刀楯賊隔高下石不可得攻軍住經日將吏患之齊身出周行觀視形便陰募輕捷士爲作鐵戈密于隱險賊所不備處以戈拓斬山爲緣道夜令潛上乃多縣布以援

氏姓譜

卷三

三箇

賀氏

五

下人得上百數人四面流布俱鳴鼓角齊勅兵待之賊夜聞鼓聲四合謂大軍悉已得上驚懼惑亂不知所爲守路備險者皆走還依衆大軍因是得上大破僕等其餘皆降凡斬首七千齊復表分欵爲新定黎陽休陽并繫欵凡六縣權遂割爲新都郡齊爲太守立府于始新加偏將軍十六年吳郡餘杭民卽稚合宗起賊復數千人齊出討之卽復破稚表言分餘杭爲臨水縣被命詣所在及當還郡權出祖道作樂舞象賜齊駟車駿馬罷坐任駕使齊就車齊辭不敢權使左右扶齊上車令導吏卒兵騎如在郡儀權望之笑曰人當努力非積行累勤此不可得去百餘步乃旋十八年護章東部民彭材李玉王海等起爲賊亂衆萬餘人齊討平之誅其首惡餘皆降服揀其精健爲兵次爲縣戶遷奮武將軍二十年從權征合肥時城中出戰徐盛

被割失牙齊引兵拒擊得盛所失二十一年鄱陽民尤突  
受曹操印緩化民爲賊陵陽始安涇縣皆與突相應齊與  
陸遜討被突斬首數十餘黨震服丹陽三縣皆降料得精  
兵八千人拜安東將軍封山陰侯出鎮江上督扶州以上  
至皖黃武初魏使曹休來伐齊以道遠後至因住新市爲  
拒會洞口諸軍遭風流溺所亡中分將士失色賴齊未濟  
偏軍獨全諸將倚以爲勢齊性奢綺尤好軍事兵甲器械  
極爲精好所乘船雕刻丹鏤寶蓋絳旂干櫓戈矛葩瓜文  
畫弓弩矢箭咸取上材蒙衝鬪艦之屬望之若山休等憚  
之遂引軍還遷後將軍假節領徐州牧初晉宗爲戲口將  
以衆叛如魏還爲斬春太守圖襲安樂取其保質權恥忿  
因軍初罷六月盛夏出其不意詔齊督麋芳鮮于丹等襲  
斬春遂生虜宗後四年卒子達及弟景皆有令名爲佳將

氏姓譜

卷三

二十箇

賀氏

五

賀卨字興伯齊之孫也孫休卽位從中郎爲散騎中常侍  
出爲吳郡太守孫皓時入爲左典軍遷中書令領太子太  
傅皓兇暴驕矜政事日弊卨上疏諫皓深恨之卨奉公正  
貞親近所憚乃共譖卨與樓元誘毀國事俱被詰責元見  
送南州卨原復職後卨中惡風口不能言去職數月皓疑  
其託疾收付酒藏掠考于所卨卒無一語竟見殺害家屬  
徙臨海并下詔誅元子孫是歲天開元年也卨年四十九

卨

賀循字彥先卨子也少嬰家難流放海隅吳平乃還本郡  
操尙高厲童胤不羣言行進止必以禮讓國相丁乂請爲  
五官掾刺史嵇喜舉秀才除陽羨令以寬惠爲本不求課  
最後爲武康令俗多厚葬及有拘忌迴避歲月停喪不葬  
者循皆禁焉政教大行鄰城宗之然無援于朝久不進序

著作郎陸機上疏薦循召補太子舍人趙王倫篡位轉侍御史辭疾去職後除南中郎長史不就會逆賊李辰起兵江夏征鎮不能討皆望塵奔走辰別帥石冰畧有揚州逐會稽相張景以前寧遠護軍程超代之以其長史宰與領山陰令前南平內史王矩吳興內史顧秘前秀才周玘等唱義傳檄州郡以討之循亦合衆應之冰大將抗寵有衆數千屯郡講堂循移檄于寵爲陳逆順寵遂遁走超與皆降一郡悉平循迎景還郡卽謝遣兵士杜門不出論功報賞一無豫焉及陳敏之亂詐稱詔書以循爲丹陽內史循辭以脚疾手不制筆又服寒食散露髮袒身示不可用敏竟不敢逼是時州內豪傑皆見維繫或有老疾就加秩命惟循與吳郡朱誕不豫其事及敏破征東將軍周馥上循領會稽相尋除吳國內史公車徵賢良皆不就元帝爲安

氏姓譜

卷三

二十箇

賀氏

五

東將軍復上循爲吳國內史與循言及吳時事因問曰孫皓嘗曉鋸截一賀頭是誰邪循未及言帝悟曰是賀邵也循流涕曰先父遭遇無道循創巨痛深無以上答帝甚愧之三日不出東海王越命爲參軍徵拜博士並不起及帝遷鎮東大將軍以軍司顧榮卒引循代之循稱疾篤賤疏十餘上帝遺書徵之循猶不起及帝承制復以爲軍諮祭酒循稱疾敦逼不得已乃輦疾至帝親幸其舟則諮以政道循羸疾不堪拜謁乃就加朝服賜第一區車馬床帳衣褥等物循辭讓一無所受廷尉張闔住在小市將奪左右近宅以廣其居乃私作都門早閉晏開人多患之訟于州府皆不見省會循出至破岡連名詣循質之循曰見張廷尉當爲言及之闔聞而遽毀其門詣循致謝其爲世所敬服如此時江東草創盜賊多有帝思所以防之以問于循

循答曰江道萬里通涉五州朝貢商旅之所來往也今議者欲出宣城以鎮江渚或欲使諸縣領兵愚謂令長威弱而兼才難備發憚役之人而御之不肅恐未必爲用以循所聞江中劇地惟有闔廬一處地勢險與亡逃所聚特宜以重兵備戍隨勢討除絕其根蒂沿江諸縣各有分界分界之內官長所任自可度土分力多置亭候恒使徼行峻其剛目嚴其刑賞使越常科勤則有殊榮之報墮則有一身之罪謂于大理不得不肅所給人以時番休役不至困代易有期按漢制十里一亭亦以防禁切密故也當今縱不能耳要宜籌量使力足相周若寇劫疆多不能獨制者可指其蹤跡言所在都督尋當致討今不明部分使所在百姓與軍家雜其徼備兩情俱墮莫適任負故所以徒有備名而不能爲益者也帝從之及愍帝卽位徵爲宗正元

氏姓譜

卷五

二十箇 賀氏

五

帝在鎮又表爲侍中道險不行以討華軼功將封鄉侯循自以卧疾私門固讓不受建武初爲中書令加散騎常侍又以老疾固辭帝下令改拜太常常侍如故循以九卿舊不加官今又疾患不宜兼處此職惟拜太常而已時朝廷疑滯皆諮之于循循輒依經禮而對爲當世儒宗其後帝以循清平下令曰循冰清玉潔行爲俗表位處上卿而居身服物蓋周形而已屋室財庇風雨孤近造其廬以爲慨然其賜六尺床薦席褥并錢二十萬以表至德暢孤意焉循又讓不許不得已留之初不服用及帝踐位有司奏琅邪恭王宜稱皇考循又議曰按禮子不敢以己爵加父帝納之俄以循行太子太傅太常如故循自以枕疾廢頓臣節不修上隆降尊之義下替交叙之敬懼非垂典之教也累表固讓帝以循體德率物有不言之益敦厲備至期于

不許命皇太子親往拜焉循有羸疾而恭于接對詔斷賓客其崇遇如此疾漸篤表乞骸骨上還印綬改授左光祿大夫開府儀同三司帝臨軒遣使持節加印綬循雖口不能言指麾左右推去章服車駕親幸執手流涕太子親臨者三焉往還皆拜儒者以爲榮太興二年卒時年六十帝素服舉哀哭之甚慟贈司空諡曰穆循少玩篇籍善屬文博覽衆書尤精禮傳雅有知人之鑒拔同郡楊芳于卑陋卒成名于世子隰康帝時官至臨海太守

**南北**

賀瑒字德璉會稽山陰人也祖道力善三禮有盛名仕宋爲尚書三公郎建康令父損亦傳家業瑒少聰敏齊時沛國劉瓛爲會稽府丞見瑒深器異之嘗與俱造吳郡張融指瑒謂曰此生將來當爲儒者宗矣薦之爲國子生舉明

氏姓譜

卷三

王簡

賀氏

六

經後爲太學博士梁天監初爲太常丞有司舉治賓禮名見說禮義武帝異之詔朝朔望預華林講四年初開五館以瑒兼五經博士別詔爲皇太子定禮撰五經義時武帝方制定禮樂瑒所建議多見施行七年拜步兵校尉領五經博士九年遇疾遣醫藥省問卒于館時年五十九所著禮易老莊講疏疏朝廷博士議數百篇資禮儀注一百四十五卷瑒于禮尤精館中生徒常數百弟子明經對策至數十人二子草季

賀草字文明少通三禮及長徧治孝經論語毛詩左傳起家晉安王國侍郎兼太學博士侍湘東王讀敕于永福省

爲邵陵湘東武陵三王講禮稍遷湘東王府行參軍轉尙書儀曹郎尋除秣陵令遷國子博士于學講授生徒常數百人出爲西中郎湘東王諮議參軍帶江陵令王初于府

置學以草領儒林祭酒講三禮荆楚衣冠聽者甚衆前後再監南平郡爲民吏所德尋加貞威將軍兼平西長史南郡太守草性至孝常恨貧祿代耕不及養在荊州歷爲郡縣所得俸秩不及妻孥專擬還鄉造寺以申感恩大同六年卒官時年六十二弟季亦明三禮歷官尙書祠部郎兼中書通事舍人累遷步兵校尉中書黃門郎兼著作

賀琛字國寶瑒弟子也家貧常往還諸暨販粟以自給閑則習業尤精三禮初瑒于鄉里聚徒教授至是又依琛焉普通中刺史臨川王辟爲祭酒從事史琛始出都高祖聞其學術名見文德殿與語悅之謂僕射徐勉曰琛殊有世業仍補王國侍郎俄兼太子博士遷中衛參軍事尙書通事舍人參禮儀事累遷通直正員郎舍人如故又征西鄱陽王中錄事兼尙書左丞滿歲爲真詔琛撰新諡法至今

氏姓譜

卷三

二王節

賀氏

六

施用時皇太子議大功之末可以冠子嫁女琛駁之遂從琛議遷員外散騎常侍舊尙書南坐無貂貂自琛始也頃之遷御史中丞參禮儀事如先琛家產旣豐買主第爲宅爲有司所奏坐免官俄復爲尙書左丞遷給事黃門侍郎傾尙書左丞並參禮儀事琛前後居職凡郊廟諸儀多所創定每見高祖與語嘗移晷刻故省中爲之語曰上殿不下有賀雅琛容止都雅故時人呼之遷散騎常侍參禮儀如故是時高祖任職者皆緣飾姦諂深害時政琛遂啟陳事條封奏久之遷太府卿太清二年遷雲騎將軍中軍宣城王長史侯景舉兵襲京師王移入臺內留琛與司馬楊暉守東府賊尋攻陷城放兵殺害琛被槍未至死賊求得之輦至闕下求見僕射王克領軍朱昇勸開城納賊克等讓之涕泣而止賊復輦送莊嚴寺療治之明年臺城不守

琛逃歸鄉里其年冬賊進寇會稽復執琛送出都以爲金紫光祿大夫後遇疾卒年六十九琛所撰三禮講疏五經滯義及諸儀法凡百餘篇子詡太清初自儀同西昌侯掾出爲巴山太守在郡遇亂卒

賀狄干代人也家本小族世忠厚爲將以平當稱稍遷北部大人登國初與長孫嵩爲對明于聽察爲人愛敬太祖遣狄干致馬于匹結婚于姚萇會萇死興立因止狄干而絕婚興弟平率衆寇平陽太祖討平之擒其將狄伯支唐小方等三十餘人天賜中詔北新侯安同送唐小方于長安後蠕蠕社論與興和親送馬八千匹始濟河赫連屈子忿興與國交好乃叛興邀留社論馬興乃遣使請以駿馬千匹贖伯支而遣狄于還太祖意在離間二寇于是許之狄干在長安幽閉因習讀書史通論語尙書諸經舉止風

氏姓譜

卷三

二干箇

賀氏

六一

流有似儒者初太祖普封功臣狄于雖爲姚興所留遙賜爵襄武侯加秦兵將軍及狄干至帝見其言語衣服有類羌俗以爲慕而習之故忿焉旣而殺之

賀德基字承業世傳禮學祖文發父淹仕梁俱爲祠部郎並有名當世德基少游學于京邑積年不歸衣資罄乏又恥服故弊盛冬止衣袂襦袴嘗于白馬寺前逢一婦人容服甚盛呼德基入寺門脫白綸巾以贈之仍謂德基曰君方爲重器不久貧寒故以此相遺耳德基問姬姓名不答而去德基于禮記稱爲精明居以傳授累遷尙書祠部郎德基雖不至大官而三世儒學俱爲祠部時論美其不墜

唐

賀知章字季真越州永興人性曠夷善談說與族姑子陸象先善象先嘗謂人曰季真清談風流吾不見則

吝生矣證聖初擢進士超拔羣類科累遷太常博士張說  
爲麗正殿修書使表知章及徐堅趙冬曦入院撰六典書  
累年無功開元十三年遷禮部侍郎兼集賢院學士一日  
併謝宰相源乾曜語說曰賀公兩命之榮足爲光寵然學  
士侍郎孰爲美說曰侍郎衣冠之選然要爲具員吏學士  
懷先王之道經緯之文然後處之此其爲間也元宗自爲  
贊賜之遷太子右庶子充侍讀申王薨詔選挽郎而知章  
取舍不平蔭子喧訴不能止知章梯牆出首以決事人皆  
斲之坐徙工部肅宗爲太子知章遷賓客授秘書監而左  
補闕薛令之兼侍讀時東宮官積年不遷令之書壁望禮  
之薄帝見復題聽自安者令之卽棄官徒步歸鄉里知章  
晚節尤誕放遨嬉里巷自號四明狂客及秘書外監每醉  
輒屬辭筆不停書咸有可觀未始刊飭善草隸好事者具

氏姓譜

卷五三

王簡

賀氏

查

筆研從之意有所愜不復拒然紙纜十數字世傳以爲寶  
天寶初病夢游帝居數日寤乃請爲道士還鄉里詔許之  
以宅爲千秋觀而居又求周官湖數頃爲放生池有詔賜  
鏡湖剡川一曲旣行帝賜詩皇太子百官餞送擢其子僧  
子爲會稽郡司馬賜緋魚使侍養幼子亦聽爲道士卒年  
八十六肅宗乾元初以雅舊贈禮部尙書

賀德仁越州山陰人父朗終陳散騎常侍德仁與從兄德  
基師事周宏正以文辭稱人爲語曰學行可師賀德基文  
質彬彬賀德仁兄弟八人時比漢荀氏太守鄱陽王伯山  
改所居甘滂里爲高陽云始德仁在陳爲吳興王友入隋  
楊素薦其材授豫章王記室王遇之厚徙封齊復爲府屬  
王廢官吏抵罪而德仁以忠謹獲贖補河東司法參軍素  
與隱太子善高祖起兵太子封隴西公以德仁爲友庾抱



爲記室俄竝遷中舍人以年耆不更吏職徙洗馬與蕭德言陳子良皆爲東宮學士貞觀初遷趙王友卒從子紀數亦博學高宗時紀爲太子洗馬豫修五禮數率更令兼太子侍讀皆爲崇賢館學士

賀遜會稽人集賢學士知章之後會昌四年以著作郎任永新令有惠政秩滿當去邑民遮留之因家焉

**宋**

賀惟忠忻州定襄人少勇敢善騎射周祖討三叛惟忠謁于道左自陳有武藝留置所部後隸世宗帳下奏補供奉官宋初授鸞儀副使知易州繕完亭障撫愛士卒得其死力每乘塞用兵所向必克以功遷正使開寶二年太祖駐常山以爲本州刺史兼易定祁等州都巡檢使因中流矢卒上聞之嗟悼爲人性剛果知書洞曉兵法有方畧威名

氏姓譜

卷五

二十箇

賀氏

奇

震北邊十餘年間契丹不敢南牧子昭度供奉官至西京作坊使知通遠軍

賀鑄字方回衛州人孝惠后族孫身長七尺魁岸奇譎面如鐵色眉目聳拔喜談世事可否不少假借雖貴要權傾一時小不中意極口詆之無遺人以爲近俠然博學強記工語言深婉麗密如刺組繡尤長于度曲撥拾人所棄遺少加擧括皆爲新奇嘗言吾筆端能驅李商隱溫庭筠使奔命不暇諸公貴人多致爲客或從或不從其所不欲見終不貶也初娶宗女隸籍右選與貴人子同監太原工作驕倨不相下鑄廉知某時盜某物爲某用某時盜某物入于家忽面數之其人惶駭不能隱卽起自袒其膚叩頭祈哀因大笑釋去自是諸俠氣力頽頹者服其雄豪爲之側目不敢仰視先後與米芾知名二人每相遇終日曠目抵

掌論辯鋒起各不能屈談者傳爲口實元祐中李清臣奏  
換通直郎通判泗州移太平竟以尙氣使酒不得美官悒  
悒不得志食祠祿退居吳下稍務引遠世故無復軒輊如  
平日矣藏書萬餘卷手自校讐無誤者以是杜門遂其老  
家貧貨錢自給有負者折券與之亦不較嘗言學詩于前  
輩得八句云平澹不流于淺俗奇古不隣于怪僻題詠不  
窘于物象叙事不病于聲律比興深者通物理用事工者  
如已出格見于成篇渾然不可鑄氣出于言外浩然不可  
屈盡心于是守而勿失以故所爲詞章往往傳播人口黃  
庭堅自黔中還得其江南梅子之句以爲似謝元暉自哀  
歌詞各東山樂府所厚程俱爲之序自言唐諫議知章之  
後其初出王子慶忌以慶爲姓所謂鏡湖者本慶湖也避  
漢安帝父清河王諱改爲賀氏慶湖亦轉爲鏡自號慶湖

氏姓譜

卷三

二十箇

賀氏

五

遺老有集二十卷

賀允中紹興末爲給事中權吏部尙書李顯忠居丹立與  
錢端禮賀允中曹勛蕭振日爲棋酒之樂徜徉泉石間

賀德英湘鄉人七歲能文淳熙間父以訟繫獄乃詣縣自  
乞廷試以贖父罪令問所習對以通毛詩春秋語孟策與  
詩賦令各出一題援筆立就遂薦于朝與金起巖等同試  
德英第一卒年十四

賀蘭號棲真自言百歲善服氣往往不食或時縱酒能啖  
肉至數斤始居嵩山紫虛觀後徙濟源奉仙觀宋真宗名  
至問曰人言先生能點化萬金信乎對曰臣願陛下以堯  
舜之道點化天下願方士僞術不足爲陛下道真宗奇其  
言賜號宗元大師資以紫服白金仍蠲觀之田賦未幾求  
還舊居卒時大雪經三日頂猶熱人多異之

賀揚庭字公叟曹州濟陰人與巨構俱登天德三年經義進士調范縣簿兼尉籍有治聲大定十三年由安肅令補尚書省令史授沁南軍節度副使入爲監察御史歷右司都事戶部員外郎侍御史世宗喜其剛果諭以汝性曠直敢爲異時不習詞賦故中第者少近年河南山東人中第者多殆勝漢人爲官性姦臨事多避難俄以廉能遷左司郎中進官二階改刑部侍郎章宗卽位歷授山東東西路轉運并提刑使素性疾惡纖介不少容明昌二年除洛州防禦使遇歲歉民飢諭凡蓄積家盡出所餘以糶飢者獲濟人爲立石頌德收陝西西路轉運使以能幹稱有疾致仕卒年六十七

氏姓譜

卷百三

二十箇 賀氏

六

賀勝字貞卿小字伯顏以小字行其先河東隰州人後徙爲京兆鄠人祖賁有才畧關中兵後積尸滿野賁買地爲大塚瘞之嘗治室毀垣中得白金七千五百兩謂其妻鄭氏曰語曰匹夫無故獲千金必有非常之禍時世祖以太弟受詔征雲南駐軍六盤山乃持五千兩往獻世祖曰天以賜汝焉用獻對曰殿下新封秦金出秦地此天以授殿下臣不敢私願以助軍費且言其子仁傑可用卽令入宿衛一日帝召仁傑至出白金謂之曰前汝父六盤所獻者聞汝母來可持歸養母辭不許乃歸白母盡散之宗族會上都留守闕帝顧仁傑曰無以易卿者妻劉氏早沒帝欲爲娶貴族固辭乃娶民間女已而喪明夫妻相敬如賓生子勝年十六入宿衛凝重寡言大臣有密奏世祖輒屏左右獨留勝許聽之出則參乘輿入則侍幃幄非休沐不得

至家宗王乃顏反帝親征勝直武帳中常傳密旨飭諸將  
指授方畧還侍帝側飛矢交帳前獨立不動乃顏既敗帝  
還都勝參乘伶人蒙采毳作獅子舞迎駕輿象驚奔逸不  
可制勝投身當象前令後至者斷鞬縱象乘輿乃安勝退  
創甚帝親撫之遣尙醫尙食視護已拜集賢學士當盧世  
榮桑哥秉政勢熏灼勝父仁傑留守上都不肯爲之下桑  
哥欲陰中之累數十奏帝不聽及桑哥敗罷尙書省政歸  
中書帝問誰可相者勝曰天下公論皆屬完澤遂相完澤  
而以勝參知政事成宗大德九年仁傑請老乃以勝代上  
都留守兼開平府尹既至通商賈謹出納諸權貴子弟暴  
橫驕恣者悉繩以法武宗至大三年進中書左丞相行上  
都留守如故歲大饑輒發倉廩振民仍自劾待罪帝報曰  
祖宗以上都之民付卿父子欲安之也卿能如此朕復何

氏姓譜

卷三

王簡

賀氏

七

憂民德之爲立祠西門外帝聞復命工寫其像以賜俾傳  
示子孫未幾以足疾請老不許曰卿卧理足矣賜小車出  
入禁闈初開平人張弼家富弼死其奴索錢民家毆負錢  
者至死治獄者教奴引弼子并下之獄丞相鐵木迭兒受  
其賂六萬緡屬勝出之勝不從一日丞相坐都堂盛怒以  
官事名留守將罪之勝昌言大奴所于非法不敢從他實  
無罪御史中丞楊朶兒只平章蕭拜住廉知其所受贓使  
御史徐元素按得實入奏有詔速問鐵木迭兒懼走匿興  
聖宮帝以太后故僅奪其印綬而罷英宗將立鐵木迭兒  
復出據相位卽繫楊朶兒只蕭拜住同日戮于市且誣勝  
乘賜車迎詔大不敬并殺之泰定初詔雪其寃追封秦國

公諡惠愍

賀太平本名惟一字允中賀勝子也初勝以非罪死惟一

年尚幼泰定帝雪其父冤撫卹如襲父職爲虎賁親軍都  
指揮使順帝元統初累遷御史中丞中書參議佛家閭者  
愴王也御史劾其罪時宰庇之寢不問惟一遂辭疾去至  
正二年詔起中書參知政事辭進右丞又辭會御史郝君  
璧復劾佛家閭黜之乃起就職宗室諸王歲賜廩祿衣幣  
不均惟一請于帝均其厚薄守令多失職請選臺閣名臣  
充之遣使核其治行治最者增秩賜金時粟貴而金銀賤  
惟一請出宮帑委官收市所得不貲其後兵興卒獲其用  
六年拜御史大夫故事臺端非國姓不授特賜蒙古氏更  
名太平七年遷中書平章政事時國王朶兒只居政府復  
薦太平爲左丞相太平請勅僧道有妻子者爲民以減耗  
蠹給校官俸以防虛冒賜經筵官坐以崇聖學選清望官  
轉典陳言以求治道立行都水監以治黃河舉隱士董立

氏姓譜

卷五

二十箇

賀氏

六

張樞李孝光等平生好訪人材不問南北必記錄于冊至  
是多進用之初脫脫旣罷相出居西寧州其父馬札兒台  
卒太平力請令歸葬左右以爲難太平曰脫脫乃心王室  
天義滅親今父歿而不克奔訃爲善者懼矣爲之固請得  
還脫脫旣還朝拜太傅初不知太平之有德于已也因讒  
間成隙反欲陷之中書參政孔思立等皆一時名人太平  
所拔用者悉誣以罪斥去九年罷太平爲翰林學士承旨  
旣又令御史誣劾其過并論其子也先忽都不宜僭娶宗  
室女故吏田復勸太平自裁答曰吾無罪但當聽命于天  
若自殺則誠有歉矣遂歸奉元杜門謝客以書史自適家  
居六年會紅巾盜起詔起太平爲淮南行省左丞相兼知  
行院事總制諸軍駐濟寧時師旅久出糧餉若不繼命有  
司給牛具種麥自濟寧達海州歲大稔兵賴以濟未幾調

遼陽行省糴粟以給京師處置有法十七年復召拜中書左丞相賊黨毛貴陷山東由河間入寇遂畧柳林逼畿甸京師大恐廷議或勸帝北巡或遷都關陝太平持不可徵同知樞密院劉哈刺不花于彰德引兵入衛擊敗賊衆京師以安又訪求死節之臣雖布衣亦加贈諡有官者就官其子孫人尤感動右丞相搆思監家人采列以造僞鈔事覺刑部欲連逮其主太平力解之曰安有堂堂宰相而爲此者四海聞之其若國體何搆思監既被劾解相位太平所得俸祿多分餽之二皇后奇氏希得太子早臨政遣宦者朴不花諭意太平不答已而又召至宮中舉酒申前意太平復依違以出是時二皇后欲盡逐帝近臣先令御史劾帝親信臣未及奏而所令御史遷他官太子疑也先忽都泄其事去太平意益決遂令御史賈住額哥失里劾左

氏姓譜

卷三

二子箇 賀氏

充

丞成遵參政趙中等下獄死以二人爲其黨也太平知勢不可留數以疾辭位二十年拜太保俾養疾于家會陽翟王阿魯輝鐵木兒倡亂勢逼上都急太子言于帝仍起爲上都留守實欲置之死地太平毅然往有同知太常院事脫懽者也先忽都故將也聞太平至乃引兵縛陽翟王詣軍前太平不受令生致闕下終不爲已功未幾拜太傅賜歸奉元帝欲以伯撒里爲相辭曰老臣不足任機務若必以命臣非得太平同事不可于是密旨令毋行太平至沙井聞命且止當軸者惡其旣去而復留也令御史大夫普化劾其故違上命詔拘所授宣命及賜物時搆思監復爲右丞相更証奏之安置吐番尋遣使至東勝逼令自殺太平之爲相也務廣延才彥而其子均以丞相子又傾已下士以故名稱藉然

賀應奎字均德益陽人至正間紅巾攻陷城邑遣僞劉都  
統攻益陽應奎率衆力戰城得不陷及陳友諒僞將劉貴  
清據益陽應奎倡義立寨民皆入山推應奎爲寨長威名  
日著賊不敢近後歸明太祖表千石寨長秩萬戶

**明**

賀揚建安老人也天順三年秋上書論時事言今銓授縣  
令多年老監生速滿九載年幾七十苟且貪污宜擇年富  
有才能者其下僚及山林抱德士亦當推舉景泰朝錄先  
賢顏孟程朱子孫授以翰林博士俾之奉祀然有官無祿  
宜班給以昭崇儒之意黃幹劉燾蔡沈真德秀配祠朱子  
亦景泰間貸食事呂昌之請然未入祝辭宜增補預備義  
倉本以振貧民乃豪猾多冒支不償致廩庾空虚乞令出  
粟義民各疏里內飢民同有司散放未幾又言朝廷建學  
立師將以陶鎔士類而師儒解積學草野小夫蚩緣津要  
初解免園之冊已廁鷄薦之羣及授職泮林猥瑣貪饕要  
求百故而授業解感莫措一詞生徒亦往往玩愒歲月佻  
達城闕待次循資濫升太學侵尋老耄倖博一官但塵身  
家之謀無復功名之念及今不嚴甄選人材日陋士習日  
非矣帝善其言下所司行之

氏姓譜

卷三

二子箇

賀氏

七

賀逢聖字克繇江夏人與熊廷弼少同里閉而不相能爲  
諸生同受知于督學熊尙文尙文並奇二生曰熊生干將  
莫邪也賀生夏瑚商璉也舉于鄉家貧就應城教諭萬歷  
四十四年殿試第二人授翰林編修天啟間爲洗馬當是  
時廷弼再起經畧遼東廣寧之敗同鄉官將揭白廷弼之  
寃意逢聖且沮之逢聖作色曰此乃國家大事吾安敢小  
嫌介介不以明卽具草上之湖廣建魏忠賢生祠忠賢聞

上梁文出逢聖手大喜卽日詣逢聖逢聖曰誤借銜陋習耳忠賢拂然去翌日削逢聖籍莊烈帝卽位復官連進秩九年六月以禮部尙書兼東閣大學士入閣輔政加太子太保改交淵閣十一年致政十四年再入閣明年再致政逢聖爲人廉靜束修砥行其再與周延儒同名帝待之不如延儒及子告宴饑便殿賜金賜坐麟威激大異伏地不能起帝亦沈瀾動容焉是時湖廣賊大擾明年春張獻忠連陷蘄黃逼江夏有大治人尹如翁逢聖門生走三百里持一僧帽一袈裟來貽逢聖逢聖反其衣曰子第去毋憂我如翁去五月壬戌晦賊陷武昌執逢聖叱曰我朝廷大臣若曹敢無禮賊麾使去遂投墩于湖死也賊來自夏去以秋云大吏望衍而祭有神夢于湖之人我守賀相殊苦汝受而視之有黑子在其次手其徵是覺而異之竢于湖

氏姓譜

卷百三

三箇

賀氏

七

祭壘廕子如制

賀虎臣保定人天啟初歷天津海防游擊登萊參將移充州六年遷延綏副總兵河套寇大舉入犯從帥楊肇基協擊大破之署都督僉事崇正初捕誅階州叛卒周大旺等擢總兵官鎮守寧夏關中賊大起王嘉允陷清水營殺游擊李顯宗遂陷府谷其黨李老柴應之嘯聚三千餘人攻合水總督楊鶴檄虎臣往討擊之盤谷俘馘六百有奇已擊斬慶陽賊渠魁四年賊陷保安延安告急延綏撫鎮皆東援陝西巡撫練國事檄虎臣及副將李卑援勦虎臣等遂進圍保安賊引河套數千騎挫虎臣軍會張應昌擊敗之賊衆棄城去虎臣等前後獲首功一千九百明年可天



飛郝臨菴劉道江李都司再圍合水虎臣偕臨洮曹文詒  
甘肅楊嘉謨固原楊麒合擊大破賊甘泉之虎兕四斬首  
七百有奇賊大困六年五月插漢虎墩免合套寇五萬騎  
自清水橫城分道入守備姚之夔等不能禦沙井驛副將  
史開先臨河堡參將張問政岳家樓守備趙訪皆潰逃寇  
遂進薄靈州虎臣急領千騎入守旋盡勒城中兵出擊次  
大沙井寇從漢伯堡突至虎臣軍未及布陳且眾寡不敵  
遂戰死于讚挾五十騎突重圍出事聞贈虎臣都督僉事  
賜祭葬世廕指揮僉事

賀世賢榆林衛人少爲廝養後從軍積功至藩陽遊擊遷  
義州參將萬歷四十六年七月清河被圍副將鄒備賢固  
守城破率親丁鏖戰城南與參將張旆俱死部將二十人  
兵民萬餘殲焉世賢駐蹕陽聞變疾馳出塞得首功百五

氏姓譜

卷三

二王箇

賀氏

七

十有四級進副總兵明年楊鎬四路出師世賢副李如柏  
由清河劉澁深入中伏勸如柏往救不從澁遂覆沒尋擢  
都督僉事充總兵官駐虎皮驛鐵嶺被圍世賢馳援城已  
破邀獲首功百餘級泰昌元年九月連戰灰山撫安堡獲  
首功二百有奇當是時四方宿將鱗集遼左率縮胸不敢  
戰獨世賢數角鬪有功同列多忌之移鎮藩陽經畧袁應  
泰下納降令廣寧總兵李光榮疑世賢所納多以狀聞巡  
巡薛國用亦奏三可慮兵部尙書崔景榮請拒勿納而置  
已納于他所然世賢所納卒不可散同列遂謗其有異志  
天啟元年三月我

大清以重兵薄濟陽世賢及總兵尤世功掘塹濬壕樹大  
木爲柵列楯車火器木石環城設兵守城法甚具

大清先以數十騎來偵世功兵躡之殺四人世賢旦日率

親丁千人出城逆擊期盡敵而反

大清兵佯敗世賢乘銳進倏精騎四合世賢戰且却抵西門身被十四矢城中聞世賢敗各鳥獸竄而降丁復叛斷城外弔橋或勸世賢走遼陽曰吾爲大將不能存城何面目見袁經畧乎揮鐵鞭馳突圍中擊殺數人中矢墜馬而死世賢既沒或疑其叛降恤典故不及四川副使車樸爲認寃格衆議不果

賀欽字克恭義州衛人少好學讀近思錄有悟成化二年以進士授戶科給事中已而師事陳獻章既歸肖其像事之宏治改元用閣臣薦起爲陝西參議檄未至而母死乃上疏懇辭且陳四事疏凡數萬言奏人報聞正德四年劉瑾括遼東田東人震恐而義州守又貪橫民變聚衆劫掠顧相戒曰毋驚賀黃門欽聞之急諭禍福以身任之亂遂

氏姓譜

卷三

二十三箇

賀氏

七

定欽學不務博涉專讀四書六經小學期于反身實踐謂爲學不必求之高遠在主敬以收放心而已卒年七十四子士諮鄉貢士嘗陳十二事論王政不報終身不仕

賀宗湘鄉人宣德庚戌進士授大理評事嘗疏奏湘鄉田稅增重歲遭水潦民苦徵輸請減三分之一以紓疲民上從其請湘人賴以喘息正統間浙寇起宗畫策討平之

賀懋字時勉臨清人正統丁卯舉人任貴州道監察御史以言謫定海丞歷任太湖縣知縣寬恕公明清慎仁愛所在咸愛敬之民稱懋爲賀青天云秩滿百姓保留之在任至十有二年政績愈茂去之日民攀轅卧轍涕泣而留之賀勳湘鄉人景泰丙子鄉薦第一歷官雲南參政以直著稱與俗寡合引疾還家屏居一室環堵蕭然

賀榮字師桓錢塘人世以醫名家至榮博綜經史百家言

喜論當世務，疊疊可聽詩。文務古朴而存理，趣家多藏古法書。名畫彝器之屬，又善鑒賞。經目輒定，真贋仕至御醫。致仕卒，所著有存齋稿二卷。

賀寬，永新人。宏治進士，知東陽。廉明慈愛，教養兼舉。歲早，減膳徒跣拜禱，又借運司鹽帑及郡倉粟以振全活。甚眾，及報政囊橐蕭然。士民交相餽贖，寬惟取一菜。時人謂曰：昔聞劉寵一錢，今見賀寬一菜。

賀鈞，字信夫，廬陵人。正德鄉舉，居親喪，家人失火，鈞亟取累世神主奔出，他費一無所問。除應天教授，日與諸生講學，必依于孝弟忠信。所著有龍岡摘藁、子涇成進士官至廣西按察副使，解組歸，執贄布衣。劉文敏之門。

賀泚，字汝定，廬陵人。隆慶庚午鄉舉，授文昌令。治邑有政聲，嘗師事王時槐，專志理學。槐卒，執三年喪，遂以斯道爲

氏姓譜

卷三十一

二十箇

賀氏

齒

已任與同郡鄒元標講學青原西原之間。士大夫多遊其門，著有敬止堂日劄圖卦億言道德經集註陰符經釋義述古題箴聖學管窺諸書。年八十三，重宴鹿鳴，歿祀于祠。賀伯倫，字宗沂，益陽人。少喪母，廬墓三年。父病篤，割股和糜以進。諸弟求析產盡讓之，惟取書史數百卷存祭田。十餘畝，洪武中知縣王貫以孝廉薦于朝。上問四方疾苦，伯倫敷時詳敏，授刑部郎中。多所建白，卒之日無以爲殮，同官哀之。

賀憲，字監之，益陽人。孝宗舉人，知四川灌縣。致仕事父母，益孝。生事盡祭，動循古禮。年九十，語及輒淚。下弟被溺，求屍弗得，哭江上，再晝夜聲不息。屍爲湧出，張孚敬秉國，拾之不起。

賀埜，字尹耕，幼聰穎，早餽膠庠，以貢授崇仁潼川教職。視

篆蓬溪有能聲致仕歸建祠祀祖一倣文公家禮置祭田  
祭器期以十月朔日舉行立家約嚴規範節祠前隙地修  
建義學延師以訓族人

賀從政字廷佐湘鄉人知雲南順州訓土官子弟爲生徒  
撫彝民如赤子屢使木邦緬邦秉禮持廉不少假彝酋憚  
其方嚴賂失吏交章薦之擢守廣南府廣南風土惡陋從  
政撫綏化導一如順州未幾調鶴丁父喪歸

賀詳字約甫湘鄉人讀書一目十行同學者嘗戲記歲歷  
歷月餘叩之無少遺誤少尙志操以廉隅爲士友所稱領  
鄉薦爲安溪令有惠政所著有史取若干卷行世明末兵  
燹版無遺存至

國朝乾隆癸巳裔孫武岡訓導賀雋應

詒錄呈

氏姓譜

卷五

五箇

賀氏

五

賀逢爵益陽人萬歷進士知峽江縣邑地瘠賦重逢舜請  
于臺使奏減例銀千餘兩酌起運緩急立八限以寬民力  
丁糧銀米悉載定冊刊定根差條例吏胥不得上下其手  
秩滿陞戶部主事

賀祖嗣字思恒鄱陽人永樂進士授刑部主事歷郎中擢  
行在大理少卿爲人廉介精法律任棘寺一十九年讞鞫  
明允漢府以逆受誅議屠所部祖嗣力言乃止正統九年  
出知光州尋致仕廉明有聲

歷代列女

賀氏蕭嵩妻賀晦一女也初蕭嵩與陸象先夏榮相之曰  
陸郎位極人臣不及蕭郎一門盡貴高子尙公主夫人賀  
氏普入覲拜席元宗呼親家母儀禮甚盛  
賀氏太祖三子陳留人晉開運初父景思爲軍校與宣祖

同居護聖營因聘娶焉後官右千牛衛率府率后性溫柔恭順動以禮法初與杜后同封會稽郡夫人生秦晉二公主并魏王德昭周顯德五年薨年三十建隆三年四月追冊爲皇后葬安陵西北初享別廟神宗時耐太廟謚孝惠賀氏孝子解雲妻雲故氏年二十撫子汝淮讀書成名年六十餘卒邑人頌之曰夫爲孝子妻爲節婦

賀氏永新州人何氏婦也斬兵陷吉安殺其夫將汚之賀曰妾聞師令嚴淫虐者斬以徇汝獨不懼狗乎兵以言諸帥帥議聘焉屆期帥且至賀閉戶不納齧指血題詩曰涇渭難分清與濁妾身不幸死紅巾孤兒尙忍更他姓烈婦何魯事二人白刃自揮心似鐵黃泉欲到骨如銀荒村日落猿啼處過客聞之亦愴神遂引刃自斷其喉猶端坐不仆賊帥排戶入見之驚去

氏姓譜

卷百三

二十箇

賀氏

七

賀氏武陵人幼許字羅生羅生殤誓不適人郡守旌之曰目未見夫面而矢志不回足未履夫門而迎姑就養在賀爲貞女在羅爲孝婦

賀氏邵陽人李毀妻也毀爲郡諸生賀年二十五毀故遺孤憲五歲氏撫孤孀居竭力訓子憲檢身力學領歲貢焉賀氏兖州民家婦也里人謂之織女其父母以農事爲業其夫則負擔販賣往來于郡賀初爲婦未及旬其夫出外每出數年方至至則數日復出其所獲利蓄別婦于他所不以一錢濟家貧知之每夫還欣然奉事未嘗形于顏色夫慙愧不自得更非理毆罵之婦亦不與較其姑已老且病凍餒切骨婦備織以資之所得傭直盡歸其姑已則寒餒姑又不慈日有凌虐婦益加恭敬下氣怕聲以悅其意終無怨歎夫嘗挈所愛至家以女弟呼之畧無愠色

賀氏張景輝妻登封人元末兵起夫死于寇賀流離中抱子俊求夫骨于積尸中幸獲手自聚土掩之及亂定婦歸登封依弟宏居弟以俊幼諷其改醮賀聞之別去一齒示不二節洪武初俊仕廣陵主簿以事罰工自慙累其母上疏乞免上喜賀守節教子婦道所難特宥復其官俾終母養仍敕禮榜示天下以勵風俗

播氏

坐氏

貨氏

磨氏

子思之母磨化以上俱見姓苑

氏姓譜

卷百三

二十箇

賀氏至

七

氏姓譜卷之百二十三

